



冊府元龜



新刊監本冊府元龜卷之十五

帝王部 十五

年號



傳曰履端於始序則不愆自三代之際五行更王

迭舉歲首至于紀年標歷未聞他制逮漢之文景始有前後之

稱施及孝武肇創建元之號厥後或章述德美昭著祥異或弭

災馭勝計功稱伐或一號而不易或一歲而屢改其有矯時違

古但紀歲歷者亦不遠而復斯乃前王因時立制後代沿襲而

不可易者也

漢文帝即位十七年改元後元年

新垣平候曰再暈以為吉祥故改元以來延年之祚也盡

年七

景帝前元年

年盡七



中元年年盡六

後元年年盡三

武帝即位建元元年年盡五

元光元年以長星見故為元光盡六年

元朔元年朔始也言更為初始也盡六年

元狩元年獲白麟因改元有司言元宜以天瑞不宜以一二數得

瑞以一元曰建元是元元二光以長星曰光故曰元光元年今郊

得一角獸曰狩去年盡六

元鼎元年得寶鼎故因是改元盡六年

元封元年始封泰山故改元盡六年

太初元年初用夏以正月為歲首故改元為天漢以祈甘雨大雅有云漢

天漢元年時頻年苦旱故改元為天漢以美宣王遇旱災脩德勤之詩周大夫仍叔所作也以美宣王遇旱災脩德勤

以為年號畫四年依

大始元年言過滌天下與民更始故以冠元盡四年

征和元年言征伐四夷而天下和平也盡四年

後元年年盡二

昭帝始元元年年盡六

元鳳元年三年鳳凰北下東海海西樂鄉於是冠元馬盡六年

元平元年年盡其

宣帝本始元年年盡四

地節元年以先者地震山崩水出於是改年曰地節散令地得其節盡四年

元康元年年盡四

神雀元年帝幸河東祠右土有神雀集改元年盡四

五鳳元年先者鳳凰五至因以改元盡四年

甘露元年年盡四

黃龍元年漢儀注云此年二月黃龍見廣漢郡故改元盡其年

元帝初元元年年盡五

永光元年年盡五

建昭元年年盡五

竟寧元年厚韓邢單于願保塞邊竟得

成帝建始元年年盡四

河平元年三月詔曰河決東郡流漂二州兖州豫州之地校尉王延世

隄塞輒平其改元為河平賜天下吏民爵各有差盡四年五月

陽朔元年六月以山陽火生石中改元言陽氣之始盡四年

鴻嘉元年年盡四

永始元年年盡四

元延元年年盡四

綏和元年年盡二

哀帝建平元年年盡四

元壽元年年盡二

平帝元始元年年盡五

孺子嬰居攝元年王莽鴆平帝立之年二歲盡三年為莽所篡

後漢光武建武元年六月己未即皇帝位于鄴大赦改元盡三

年三

中元元年二月柴望岱宗登封泰山禪于梁父四月改元盡二年

明帝永平元年年盡八

章帝建初元年年盡八

元和元年年盡三

章和元年七月詔曰朕聞明君之德啓迪鴻化緝熙康乂光照

六幽緝熙光明也六幽謂六合幽隱之處訖惟人面靡不率俾仁風翔于海表威

靈行乎鬼區鬼區即鬼方然後敬恭明祀膺五福之慶獲來儀之貺

朕以不得受祖宗弘烈乃者鳳凰仍集麒麟並臻甘露霄降嘉

穀滋生芝草之類歲月不絕朕夙夜祇畏上天無以彰于先功

令改元和四年為章和元年盡二年

和帝永元元年盡十年

元興元年四月庚午大赦

殤帝延平元年盡其年

安帝永初元年盡七年

元初元年正月甲子改元

永寧元年四月丙寅立皇太子改元

建光元年盡其年

延光元年二月丙午大赦

順帝永建元年延光四年十一月中黃門孫程等十九人斬江京等迎立帝自濟陰王即皇帝位明年五月改元

陽嘉元年三月庚寅帝臨辟雍饗射大赦改元

永和元年正月己巳宗祀明堂登靈臺大赦改元

漢安元年正月癸巳宗祀明堂大赦改元

建康元年四月辛巳立皇太子大赦改元

冲帝永嘉元年建康元年八月庚午自皇太子即位明年正月改元

質帝本初元年永嘉元年正月丁巳封建平侯其月即皇帝位明年正月改元

桓帝建和元年本初元年閏六月庚寅自蠡吾侯即位明年正月改元

和平元年正月甲子大赦改元

冊

元嘉元年 正月癸酉大赦

永興元年 五月丙申大赦

永壽元年 正月戊申大赦

延熹元年 六月戊寅大赦 天

永康元年 六月庚申大赦

靈帝建寧元年 永康二年正月自解瀆亭

熹平元年 五月己巳大赦

光和元年 年盡六年

中平元年 是年破黃巾賊十

弘農正光熹元年 中平六年四月即位

昭寧元年 八月改元 昭寧元年九月即位 改元 復中 正六年 詔

獻帝永漢元年 除光熹昭寧永漢三號 還復中 正六年

初平元年 年盡四年

興平元年 正月辛酉大赦

建安元年 正月癸酉郊祀上帝於安

延康元年 三月改元 盡其年十月禪于魏 按甲子世祖建

魏文帝黃初元年 十一月庚午帝自魏王登壇即阼百官陪位

事訖降壇視燎成禮而反 改延康為黃初 年盡七年

明帝太和元年 年盡六年

青龍元年 正月甲申青龍見於摩陂井中 二月

景初元年 正月壬辰山縣言黃龍見於定歷 改年為孟夏四月

初文皇帝即位 以受禪于漢 正朔弗改 帝在東宮 著

受命之運 及即位 雖同氣 共祖 禮不相襲 正朔自宜 改變以明

帝據古典 甲子詔曰 夫大極運三辰 五星于上 元氣轉三統 五

稱王以明三正迭相為用今推三統之次魏為地統當以建丑
之月為正月考之羣藝厥義章矣其改青龍五年三月為景初
元年四月
盡三年

齊王以景初三年正月丁亥即位十二月詔曰烈祖明皇帝以
正月棄背天下臣子永惟忌日之哀其復用夏正雖違先帝通
三統之義斯以禮制所由變改也又夏正於數為得天正其以
建寅之月為正始元年正月以建丑月為後十二月
年盡九

嘉平元年四月己丑改元

高貴鄉正元元年嘉平五年十月司馬昭廢齊王迎立

甘露元年五月鄴及上谷並言甘露降夏

陳番景元元年甘露五年五月己丑司馬昭使成濟執高貴

政元五年

咸熙元年盡二年十二月禪于晉按甲子魏自

晉武帝泰始元年十二月丙寅設壇於南郊帝升壇受禪禮畢

即洛陽宮幸大極前殿大赦改元盡十

咸寧元年正月戊午朔大

太康元年二月平吳大赦

太熙元年正月辛酉朔改

惠帝永熙元年太熙元年四月自太子

永平元年春正月乙酉朔臨朝不設樂詔曰朕夙遭不造淹恤

在疚賴祖宗遺靈宰輔忠賢得以湫身託于群后之上昧於大

道不明於訓戰戰兢兢夕惕若厲乃者哀迷之際三事股肱惟

杜稷之重率遵翼室之典猶歆長奉先皇之制是以有永熙之

號然日月踰邁已涉斯年開元易紀禮之舊章其改元熙二年

為永平元年盡其年

二月

元康元年永平元年二月誅太傅

永康元年正月癸亥朔大赦元盡其年

永寧元年四月乘輿反正大赦元盡其年十一月

太安元年十二月大赦元盡其年

永興元年正月大赦元復為永安七月大赦元建武其十一月大

永熙元年六月辛未大赦元

懷帝永嘉元年光熙元年十一月自大弟即位明年

愍帝建興元年永嘉七年正月懷帝為劉聰所弒

元帝建武元年三月辛卯即位晉王位

大興元年三月癸丑即位皇帝位

永昌元年正月己卯大赦元盡其年

明帝太寧元年元盡其年

成帝咸和元年二月丁亥大赦元盡其年

咸康元年正月庚午朔帝加元

康帝建元元年元盡其年

穆帝永和元年正月甲戌朔皇太后諡白執帷於

升平元年正月壬戌朔帝加元

哀帝隆和元年正月壬子大赦元盡其年

興寧元年二月己亥大赦元盡其年

廢帝太和元年元盡其年

簡文帝咸安元年十一月己酉即皇帝

孝武帝寧康元年正月己丑朔

太元元年正月壬寅朔帝加元服

安帝隆安元年正月己亥朔帝加元服

元興元年 正月庚午朔大赦改元盡二年

義熙元年 正月帝在江陵大赦改元二月又正盡十四年

恭帝元熙元年 正月壬辰朔改元盡二年六月禪于宋

後魏道武登國元年 正月戊申即位王稱魏王盡十年會於牛川四月改稱魏王盡十年

皇始元年 七月左司馬許謙上書勸進尊號始建天子旌旗出入警蹕於是改元盡一年

天興元年 十二月己丑臨天文殿司徒進璧綬百官咸稱萬歲大赦改元盡六年

天賜元年 十月盡六年

明元帝永興元年 十月即位大赦改元盡五年

神瑞元年 正月辛酉以祥瑞類集大赦改元盡二年

泰常元年 四月大赦改元盡八年

大武帝始光元年 泰常八年十月自泰平王監國即位盡四年

神麤元年 二月改元盡四年先是定州獻白麤鹿又見于樂陵因以改元立皇太子

延和元年 正月丙午謁于大廟大赦改元盡三年

太延元年 正月甲申大赦改元盡五年

太平真君元年 六月丁丑皇孫生大赦改元盡十一年

正平元年 六月壬戌改元盡二年

文成帝興安元年 正月大赦改元盡其年

興光元年 七月庚子皇太子生辛丑大赦改元盡其年

大安元年 六月壬戌曲赦京城改元盡五年

和平元年 正月甲子朔大赦改元盡六年

獻文帝天安元年 和平六年五月甲辰即位踰年改元盡其年

皇興元年 八月戊申皇太子生大赦改元盡其年

孝文帝延興元年 皇興五年八月丙午即位大赦改元盡五年

承明元年 六月辛未上皇終壬申大赦改元盡其年

太和元年正月乙酉詔曰朕夙承寶業懼不堪荷而天貺具臻地瑞並應風和氣婉天人交協豈朕冲昧所能致哉寶賴神祇七廟降福之助今三正告初祗感交切宜因陽始協典華元其

改今號為太和元年

三年 盡二十

宣武帝景明元年

帝和二十三年四月自皇太子即位明年正月大赦改元盡四年

正始元年

改元盡四年

永平元年

改元盡四年

延昌元年

改元盡四年

孝明帝熙平元年

延昌四年正月丁巳即位踰年改元盡二年

神龜元年

二月己酉詔以神龜表瑞大赦改元盡五年

正光元年

七月辛丑帝加元服大赦改元盡五年

孝昌元年

六月癸未大赦改元盡二年

武泰元年

正月丙寅大赦改元盡其年二月

孝莊帝永安元年

二月即位改建義元年九月乙亥以平

長廣王建明元年

永安二年十月自大原大守行并州刺史為

前廢帝

亦謂之普泰元年 建明二年二月己巳即位改其元盡其年

後廢帝中興元年

建明二年十月即皇帝位於信都昇壇焚燎大赦稱中興元年盡二年四月遜

位於

西魏武帝

亦謂之 永熙元年 中興二年四月戊子即位大赦改元 本昌元年十二月丁亥大赦天

文帝大統元年

永熙三年閏十二月自南陽王為字

廢帝元年

大統十七年三月自皇太子即位明年去

恭帝元年

廢帝三年正月自齊王為宇文泰所立盡三年十二月庚子禪位於周

後周閔帝元年正月辛丑即位稱元年盡二年

明帝元年都郡公即天王稱元年盡二年

武成元年八月己亥改元盡二年自武成以前不立年號

武帝保安元年正月戊申詔曰寒暑亟周奄及祖改歲元命始

國之典章朕承寶圖宜遵故實可改武成三年為保定元年帝自

武成二年四月即位盡六年

天和元年正月癸未大赦改元盡六年

建德元年三月誅大冢宰宇文護大赦改元盡六年

宣政元年三月壬辰改元盡其年初政宣政梁主蕭歸離合其字為宇文其年六月終

宣政大成元年宣政元年六月即位盡其年胡受

大象元年二月傳位太子大赦改元盡二年初赦大象梁主蕭歸又離合其字曰天子家明年而終

靜帝大定元年正月壬午詔曰朕以不天夙遭極罰光陰遄速

遷及此辰窮暮纏綿言增號絕踰祀革號憲章前典可改大象

三年為大定元年盡其年二月

隋高祖以後周大定元年二月甲子自相國受禪即位改元開

皇元年盡二十

仁壽元年正月乙酉朔大赦改元盡四年

煬帝大業元年以仁壽四年七月即位明年正月改元盡十三

也尋而天下喪亂率

恭帝義寧元年大業十三年十一月壬戌自代王為唐公所立大赦改元盡二年五月禪于唐

唐高祖武德元年五月甲子即皇帝位於大極殿大赦天下改

隋義寧二年為武德元年盡九

太宗以武德九年八月即位明年正月乙酉詔曰朕選觀方冊

歷選前聖大道既隱至公斯華莫不思樹風聲用隆龜鼎大皇

膺錄受圖功成治定鄙聖人之餘事願天下而宵然永言俗累
高居物表受以大寶俯授微躬自肅奉神亟移灰律三正在旦
萬國未遑長世之術既弘惟新之命方始體元居正今則其時
可改武德十年為真觀元年盡二十二年

高宗以真觀二十三年五月即位明年正月辛丑詔曰昔者恭

膺寶位乃叶天時繼奉休明必因正朔大宗文皇帝襲行天罰

寧一區夏宏功無外盛烈難明攀望徽猷哀盈園寢朕以寡德

守茲神器仰馮霄構俯暢生靈酌彼彛倫道兼文武方今孟陬

獻節常儀佇歷三元首事萬國來庭宜遵經國之典以叶陽秋

之義可改貞觀二十四年為永徽元年盡六年

顯慶元年正月辛未立代王弘為皇太子

龍朔元年二月乙未晦以百濟初平又蓋綿等

麟德元年正月以絳州麟見於介山舍元殿前

乾封元年正月戊辰朔有事於泰山壬辰御朝

總章元年三月明堂成大赦

咸亨元年三月京師旱大赦

上元元年八月追尊高祖太宗大

儀鳳元年十一月陳州上言鳳凰見於苑丘縣大赦改元盡四

一日為通乾元二年二月又詔停明

年通乾之號以反語不善故也

調露元年六月大赦改元

永隆元年八月乙丑立英王哲為太

開耀元年十月乙丑敕定襄

永淳元年二月癸未以皇太子誕皇孫

弘道元年十二月丁巳大赦

中宗以弘道元年十二月甲子自皇太子即位明年正月改元

嗣聖是年二月則天皇右廢帝為廬陵王立豫王旦大改元

丁未朔以徐敬業平大赦改元垂拱元年五月巳卯朔饗

祀于明堂大赦改元永昌元年二月巳卯朔饗

明堂大赦改元載初元年周正朔以十一月巳卯朔饗

為臘月正月為一月十月為一年終其年九月巳卯朔饗

稱周廢豫王為皇嗣賜姓武大赦改元授元壽元三年四月丙

申大赦改元如意元年九月巳卯朔饗

月則天借魏越古金輪聖神皇帝大赦改元證聖元年九月甲

月辛巳朔則天借加魏慈氏大赦改元證聖元年九月甲

寅則天加魏魏天冊大赦改元萬歲通元二年三月重造

明堂成魏魏通元神功元年二年正月巳卯朔饗

天宮大赦改元神功元年二年正月巳卯朔饗

三年五月癸丑大赦改元久視元年正月巳卯朔饗

佛跡見改元為大足元年其年十月則天

幸長安大赦改元為長安元年其年十月則天

神龍元年正月壬午朔大赦改元是月甲戌

景龍元年九月庚申御大極殿受神龍皇

帝尊號大赦改元盡四年五月

溫王唐隆元年六月即位大赦改元幸庶人

睿宗景雲元年十月冊立玄宗為皇太子是

日有景雲之瑞改元盡二年

大極元年正月戊子幸滄東親籍田巳

延和元年五月戊寅有事于北郊辛

玄宗先天元年八月自皇太子受太上皇傳位大赦改元盡三

月一

開元元年十一月上尊號為開元神武皇帝十

二月庚寅大赦改元盡十九年

天寶元年正月正未朔御勤政樓受朝賀大

赦改元三年改年為載盡十五載

肅宗以天寶十五載七月甲子即位於靈武改元至德二

年

乾元元年正月乙巳帝於典慶殿奏太上皇尊號曰太上

至道大聖皇帝禮畢大赦改元盡三年四月

上元元年閏四月巳卯御明鳳門

大赦改元盡其年八月

元年九月壬寅制曰欽若昊天定時成歲春秋五始義在體元

惟以紀年更無潤色至于漢武飾以浮華非前王之茂典豈求

代而為則三代受命正朔皆殊宗周之王得實天統陽生元氣之本律首黃鍾之尊制度可存叶用斯在自今以後朕親惟稱皇帝其年但號元年去上元之號其以今年十一月為歲首便數建丑建寅每月以所建為數盡其年三月

寶應元年四月詔曰上天降寶獻自楚州神明生曆數之符合璧定祱炎之氣總集瑞命祗承鴻休因以體元叶乎五紀其元年改為寶應元年建巳月為四月依舊以正月一日為歲首受

茲福應佇以升平是月太子即位

代宗以寶應元年四月即位二年七月壬寅群臣上尊號壬子

大赦改元為廣德盡二年

永泰元年正月癸巳朔御舍元殿受朝賀下制改元盡二年十月

大曆元年十一月甲子日長至御舍元殿大赦改元盡十四年

德宗以大曆十四年五月即位明年正月丁卯朔御舍元殿受

朝賀下詔改為建中盡四年

興元元年正月癸酉朔御舍元殿受朝賀

貞元元年正月丁酉朔御舍元殿受朝賀大赦改元盡二十一年七月

順帝以貞元二年一年正月即位八月庚子傳位於皇太子大

赦改元永貞盡其年

憲宗以永貞元年八月即位明年正月改元元和元年盡十五年

穆宗以元和十五年正月丙午即位明年正月辛丑郊禋禮畢

大赦改元為長慶盡四年

敬宗以長慶四年正月癸酉即位明年正月辛亥親祀昊天上帝禮畢大赦改元寶曆盡二年

文宗以寶曆二年十二月乙巳即位明年二月乙巳御丹鳳樓

大赦改元大和盡十

開成元年正月辛酉朔帝常服御宣政殿受賀遂大赦改元盡五年

武宗以開成五年正月即位明年正月庚戌郊廟禮畢大赦改元

元會昌盡六年

宣宗以會昌六年十月即位明年正月戊申郊廟禮畢大赦改元

元大中盡十年

懿宗以大中十三年八月十三日即位明年十一月丁未郊廟

禮畢大赦改元咸通盡十四年

僖宗以咸通十四年七月二十日即位明年十一月庚寅郊廟

禮畢大赦改元乾符盡七年

廣明元年正月帝御宣政殿改元盡二年六月

中和元年七月帝至蜀改廣明二年為中和元年議者以去年改元廣明咸謂廣在唐腳之下而有日月非其祥也

光啓元年三月丁卯車駕至京師已巳御宣政殿大赦改元識者曰啓字口戴戈亂未息也盡四年正月

文德元年二月戊子衛承天門大赦改元盡其年

昭宗以文德元年三月八日即位明年正月御武德殿受朝賀

宣制大赦改元龍紀盡其年

大順元年正月戊子朔御武德殿受朝賀臣宰百官上微號禮畢大赦改元盡二年

景福元年正月丙午朔御武德殿受朝賀大赦改元盡二年

乾寧元年正月乙丑朔御武德殿受朝賀賀大赦改元盡五年四月

光化元年正月己巳朔以立后改元盡四年二月

天復元年三月甲戌有事于宗廟是日御長樂門大赦改元盡四年

天祐元年閏四月謁大廟禮畢御光政門大赦改元

哀帝以天祐元年八月即位不改元盡四年三月

後唐莊宗以天祐二十年四月己巳即位唐自天祐四年禪于梁至是十八年帝在

大原只稱天祐改同光二年年盡四

明宗以同光四年四月即位改元天成年盡四

長興元年二月乙卯祀圓丘禮畢大赦改元盡四年

閔帝以長興四年十二月即位明年正月戊寅御明堂殿大赦

改元應順年盡其

末帝以應順元年四月即位改元清泰年盡三

晉高祖以清泰三年十一月即位改元天福年盡七

少帝以天福七年六月十三日即位九年七月辛未朔御崇元

殿大赦改元開運盡三年是日宣赦未畢會大雪雨忽墮而罷都下震死者數百人明德門內震落石龍之

首識者以為石乃國姓蓋不祥之甚

漢高祖以開運四年二月即位于晉陽謂群僚曰帝王稱謂孤

已迫於群情而遜避無所其國號正朔未忍遽改由是降制以

少帝開運四年

叙天福十二年行事蓋以心奉前朝執至義也年盡其

乾祐元年正月乙卯大赦改元盡其年

隱帝諱承祐以乾祐元年二月即位初高祖欲改年號中書門

下進擬乾和二字高祖改為乾祐至是於帝名相符帝亦不改

年盡三

周太祖以乾祐四年正月即位改元廣順年盡四

顯德元年春正月乙未祀圓丘禮畢御明德樓大赦改元

世宗以顯德元年正月丙申即位不改元

恭帝以顯德六年六月甲午即位不改元年盡其

新刊監本冊府元龜卷之十五

新刊監本冊府元龜卷之十六

帝王部 十六

尊號

古者盛德之君若九皇五帝皆典籍之所述也夏商而下降號稱王秦并天下始兼三五而建號然後尊極之名著矣歷代而下遵而不易時或因革理非沿襲踵事增華其流彌盛乃至傾臣子之將順頌君上之徽美守閔上書備物典策所以極光大之稱流景鑠之懿也若乃欽明文思溫恭允塞堯舜之德垂於緇素至於魯哲之後據天下之圖受三靈之命億兆欣戴戎夷欵附功崇德鉅仁深澤廣由是從人之欲順帝之則擁神休而尊明號亦何讓焉

漢高帝初為漢王五年十二月既平項羽

時以十月為歲首

正月諸侯

上疏曰楚王韓信韓王信淮南王英布梁王彭越故衡山王吳

芮漢元年項羽立芮為衡山王後趙王張敖燕王臧荼昧死拜

拜言秦以為人臣上書當言昧大王陛下王者有執兵於階陛

不敢指斥故呼在陛者告之因以達尊也先時大秦為亡道天下共誅之大王先得

秦王定關中於天下功最多存亡安危救敗繼絕以安萬民功

盛德厚又嘉惠於諸侯王有功者使得立社稷地分已定而位

號比擬亡上下之分言大王與臣等並稱王是為此類相大王

功德之著於後世不宣言位不殊則功德之昧死再拜上皇帝

尊號漢王曰寡人聞帝者賢者有也言賢德之人虛言亡實之

名非所取也今諸侯王皆惟高寡人將何以慶之哉諸侯王皆

曰大王起於細微滅亂秦威動海內又以辟陋之地辟陋之地曰僻自漢

中行威德誅不義立有功平定海內功臣皆受地食邑非私之

也大王德施四海諸侯不足以道之居帝位甚實宜願大王以

幸天下幸者幸而免凶可慶幸也故之不幸漢王曰諸侯王幸

以為便於天下之民則可矣於是諸侯王及大尉長安侯臣綰

等三百人綰也與博士樓嗣君叔孫通謹擇良日二月甲

午上尊號漢王漢王即皇帝位于汜水之陽汜音汎在濟陰界

閩下哀帝大初元年號曰陳聖劉太平皇帝陳導也言得尊道

後魏顯祖獻文帝既禪位太子於是群公奏曰昔三皇之世澹

泊無事故稱皇是以漢高祖既稱皇帝尊其父為太上皇明不

統天下今皇帝幼冲萬機大政猶宜陛下總之謹上尊號太上

皇帝乃從之國之大事咸以聞

後周閔帝既受魏禪即天王位至明帝三年八月改天王稱皇

王莽陳之後謬語以明莽當篡立而不知

取其汜愛弘大而

聖者劉也陳舜後

邑名謹擇良日二月甲

曰僻自漢

帝建元武成元年時崔猷為御史中大夫以為世有澆淳故帝王因以沿革今天子稱王不足以威天下請遵秦漢稱皇帝建元號朝議從之

宣帝大象元年自稱天元皇帝所居稱天臺

唐高宗上元元年八月皇帝稱天皇皇后稱天后以避先帝先右之稱

中宗神龍元年十一月文武百官上皇帝尊號曰應天皇帝三年八月順天皇后及王公以下表上尊號曰應天神龍皇帝九月庚子御大極殿受冊

玄宗先天二年十一月群臣上表請加尊號為開元神武皇帝曰臣聞玄化不宰是有強名聖德彰聞必崇大號伏惟陛下首出千古躰元獨斷掃氣侵於軒宮闡文明於宸極皇綱絕而復

正神器危而重安聖達神祇功濟天地若無尊號臣下何稱易曰陰陽不測之謂神傳曰保大定功之謂武陛下斷大事於容易見成形於未兆故一著呈祥千里傳慶斯所謂不測也興王業於多難安生靈於反側故百神奉職四夷納貢斯可謂定功也故臣等敢上號曰開元神武皇帝伏惟從之手詔答曰朕觀上古人主唯稱帝王一字秦漢以來乃兼皇帝朕以德薄嗣守寶位乾乾惕厲懼不克勝豈自崇飾以招譏咎雖迫公卿之請終負平生之心所請加號甚無謂也群臣宗子及僧道耆艾等數百人又抗表三上乃從之戊子遂行冊禮加尊號為開元開元二年

開元二十七年二月文武百官及僧道耆耆上表請以聖文二字加尊號凡八表然後許之

天寶元年正月甲寅陳王府參軍田伺秀上言玄元皇帝降見於丹鳳門之通衢告錫靈符尹喜故宅遣使發得之二月祔玄元皇帝廟百僚加尊號為開元天寶聖文武皇帝

七載五月壬申百僚以休祥累見上表請加尊號曰應道文武表再上固違不從甲戌又上表曰臣聞道之應也萬姓叶心德之至也百靈表貺是以帝王從天以受休命臣子奉主以薦尊名下之戴為至忠上納下為大順伏惟陛下垂衣而端拱司契而乘時御辨而氣和提象而物覩臣等上稽儀極下考前訓旁求史氏明徵道書皆可以配至極之崇高建大號之美稱陛下宗師懸解狹五帝之常道恬愉自得陋三王之仁義同符帝典振古莫恃靈寶經曰大寶君者大洞之尊神王皇之正氣陛下經高上之至理復帝先之淳源九氣生真二合成德殊体應隨

道契靈文景命拂符宿彰仙籙則知聖祖以大道授陛下久矣當以應道答之苟大望洽而固違則群情抑而不副是以公卿宗子懇誠於內緇黃艾耄瀝欵於外宜蒙納許以昭介福伏惟陛下承上玄乃顧之意順普天欣戴之情伏以端午良辰萬壽來應昌圖與兩儀配永寶運與三景俱長欽若鴻名克彰厚慶聿陳大禮式茂元和臣等謹竭愚誠冒死請加尊號期於成遂以叶衆心帝手詔報曰禎祥者所以合天人鴻名者所以彰德業今封章繼至誠請甚勤敬膺神休允答人望宜休來請己卯有司告獻太清宮太廟庚辰告昊天上帝皇地祇太社太稷壬午公卿百辟奉冊上尊號曰開元天寶聖文武應道皇帝御興慶殿受冊

八載六月太白山人李渾上言有神人言金星洞内有玉版石

記聖皇福壽之符命御史中丞王鉞入仙遊谷求而獲之以獻
帝御勤政接受焉於是王公卿士道俗又請加尊號表三上不
從乃詔曰朕欲使人迷日用道遠親譽願行其心永守冲約永
允來請宜識比懷丙辰文武百官禮部尚書崔翹等又上表曰
臣聞上玄承命錫禎符以應期聖皇乘時受神冊於典運是以
啓殊祥於景福崇大號於至公伏惟陛下續重玄之耿光嗣五
聖之丕緒大德侔於天地至化貫乎陰陽感玄道之尊連百辟
之議三胃闕下累陳洪各陛下猶以固讓為心不以至公為意
臣等請以符叙重瑞明日之者五星如連珠兩曜如合璧鄉雲
蔚膏露凝天之貺也瑞英產於金地玄記開於玉洞神光見真
誥傳地之祥也固知天地以鴻休報陛下陛下以至德通乾元
允宜合符克配徽號伏奉乙卯詔書曰志存要妙理却虛明臣

又聞之天不讓高地不辭大五帝法之而成象三王參之而比
德先天地者道也聖祖已著於強名合天地者聖也陛下允膺
於明稱式彰妙用豈曰虛名况禎祥感通既著於彼靈應參會
又符於此是以封章再獻而雲日重光徽號三陳而煙霄降澤
天人交感影響必臻若然陛下安得闕三才之大端抑萬姓之
勤願遠祖宗之賸命曠天地之符文臣等固陋猶知不可况貞
宗元慶祕簡呈文乘王氣於土行擁神休於寶運伏願光臨大
寶允答洪休常垂覆載之仁永寶延長之曆天下幸甚帝以手
詔從之閏月丙寅親謁太清宮上聖祖玄元皇帝為大道玄元
及高祖太宗高宗中宗睿宗皇帝並加大聖丁卯群臣奉上尊
號曰開元天地大寶聖文武應道皇帝御舍元殿受冊
十二載十二月庚寅文武百官憲都尚書張均等上表請上尊

號加孝德及改應為證日開元天地大寶聖文神武孝德證道
皇帝凡三上表乃許之

十三載三月甲戌御興慶殿受冊

肅宗至德二年十二月壬申右僕射裴冕與百僚上言曰頃者
逆寇亂常悖違天紀地六回薄三光失序上皇南巡以避狄群
臣東沒而面偽當此時也勇者不及奮知者不及謀則高祖太
宗之業將墜於地矣上皇知聖嗣在昌人望大啓乃付陛下以
天地之事將復高祖太宗之業告成功於天伏惟陛下至孝恭
順格於天地不敢以剪逆夷難之務為上皇憂遂乃赫然龍驤
雷動朔野以一旅之衆康天下之逆躬堯之聰明廣聽天下率
禹之勤儉以先兆人孝通德茂格于三極故蠻夷君長來庭于
要荒之外五玉寶龜納錫於旌門之內其行如雲其植如山莫

不裂皆致命開懷飲鐵死而後已實乃其心是以僕狗噬豕而
遇毒奔鯨觸綸而皆斃大風一鼓而沴氣清廓斯實再造生人
之極也陛下以上皇未至延候鑾輿清宮待幸守而不失今上
皇矣止昭德報功廣聖人崇本之義徵王者未舉之禮百神奉
職親受寶符過堯邁舜以慶天下以陛下有光上皇之德經天
下之文定禍亂之武窮不測之聖通神明之孝故命陛下曰光
天文武大聖孝感皇帝皆象德景行自然之符陛下尚執謙冲
遷延若未當者今群臣咸伏虜肅謀將天下猶各有茅土銘勳
景鍾陛下盛德大業終中獨立而不速即徽號以尊皇圖臣恐
天地神祇勤勞仰止臣謹於大常禮官等僉擇請以來歲正月
五日上尊號伏惟陛下膺天地之誠恭上皇之命遂群臣之請
滿百靈之心迺光無窮天下幸甚詔曰朕以眇躬身敬承明命

兩遭胡擾亂社稷不寧稟上皇至聖之謀當伏鉞秉旌之任大
師一旅殘孽無遺上皇厭彼代紛棄茲人事萬邦之重俾付朕
躬傳授寶符乃加徽號朕再三固讓實增黽勉恭膺典冊感慶
良深覽卿等來章倍加祗懼依卿等所請三年正月戊寅太上
皇御宣政殿受帝傳國寶符及受命寶符冊帝尊號曰光天文
武大聖孝感皇帝上言曰陛下願天位之累已推以付臣又畏
天命以固辭期不奉詔未蒙詔許以辱四海而今加之徽號錫
以洪名既授寶符又傳神器是重臣以不德私臣以殊寵豈天
地之容乎神人之望乎臣聞禮有常尊器不可假名無虛位義
然後行項以寇逆憑陵京闕失守撫軍監事國在一時正位居
中尊無二上至於光天之業允文允武聖由天作孝以感通臣
何有焉此皆陛下之能事也曲成之惠在茲愛而則深至公之

道將詢謀而未叶伏望竊以嚴命俯遂勤誠臣之下情不勝至
願太上皇誥曰昊穹垂裕宗社發祥爾徃在髫年素彰岐嶷洎
乎問寢日增孝敬吾久勤庶務常奉至真特好清虛尋常將付
託尔以華戎銳士掃定神州功乃格天德惟邁古是用受茲國
寶加夫大魏典章斯集喜慰盈懷實謂道映前王何必至在讓
禮克光丕業以副至公即斯來表帝再讓不允又以大聖二子
非所當之上言曰帝王者天所命也稱號者人所奉也惟有德
克躋大寶惟聖至以享鴻休於是乎人神形容其美行歌詠之
不足或為之名焉伏惟陛下乾坤覆載河海潤澤道達生靈惠
懷靈貺尊九廟以崇孝謁五陵以奉先禮二郊以嚴禋祠九宮
以致敬刻石北京以揚祖列泥金東嶽以告成功自三古以還
歷選辟列聰明文武齊聖廣深丕懿純殷孰與此議卓哉煌煌

真聖人表也夫天地至大不能定愆伏之序日月運行不能正
薄蝕之變自狂孽間暴傲擾天紀與時消息為人請命舞于羽
而氣侵廣清垂衣裳而杜席無改納萬姓於仁壽之域朝百神
於清穆之上宵然姑射之山思訪襄城之野斯又誠言之不及
稽古所未聞羲軒唐虞何足以云今方推而不居為而不有付
臣以宗廟重器錫臣以后王徽章何以克堪辭不獲命臣自奉
明誥夙夜於邑以為名不可假尊不可踰教承嚴責得為孝乎
至於所托者深所荷者大不敢悉拒以違天衷而大聖二字得
之不為求諸故實布在冊書伏望陛下顧茲當仁期以制義今
王公侯伯卿士兆人詢謀僉同稽首闕下臣敢因衆人之議成
小子之志上尊號於陛下曰太王至道聖皇天帝即令有司擇
日奉行冊禮其錫臣帝號大聖二字伏願許停如臣言可以簡

當所希採納如臣誠不足動天伏當待罪將以明授受之道辨
上下之分不勝臣子下情懇願之極伏惟陛下俯垂允許以副
四海之望表上不允又表曰陛下以宗社再安天地交泰付臣
以神器授臣以寶符加臣以寵章錫臣以徽號君親之義惠下
之道以彰臣子之心奉上之禮未足臣所以與王公卿士百辟
兆人思垂格後昆乃悉數前美仰陛下之所行者衆星之拱北
辰悅陛下之澤者百川之赴東海由是累上尊號敢冒宸威以
陛下以無為之心不宰為物抑而未允至於再三群情顛顛罔
知所措一昨辛卯賜誥命曰頻覽章表懇至難違爾寶命惟新
洪名允集用加大聖之字克副昊天之心若成命無渝萬國同
歡於翊戴儻古辭不已吾亦未庸乎典冊今不許偽謙全斷未
表進迫嚴旨何以克堪退荷殊私無任殞越小子伏受命矣伏

惟陛下允臣所請則自下上上日月之光昭從上下雨露之恩廣臣已詢諸龜筮備其禮物請以來月乙巳奉上冊禮聖恩招納即日付外施行不勝懇願之至誥曰汝孝以奉親明以御宇上從君父之命下順黎元之欲既弘茂實爰副崇名千古攸高百王是式猶環章奏喜慰可知予志每集虛心常遺照方契真宗之旨豈云稱號之榮汝就養無遠歸尊有格載獻從龜之吉復當乙巳之辰已脩典章當依來請是月乙巳於興慶殿冊太上尊號曰太上至道聖皇天帝

乾元元年十二月乙未公卿道俗上表請加尊號曰乾元三表乃許之

二年正月朔帝御含元殿受朝賀便冊尊號曰乾元大聖光天文武孝感皇帝

上元二年九月壬寅詔曰朕獲守丕業若履春冰敢志謙冲日蓋招損歆垂範而自我亦去華而就實其乾元大聖光天文武孝感等尊崇之稱何德以當之自今以後朕號惟稱皇帝

代宗寶應二年四月辛巳宰臣及文武百僚郭子儀等上尊號表曰臣聞功莫大於締構乾坤孝莫先於續承社稷伏惟皇帝陛下繼名冠於周武中興邁於漢光曩者巨逆漫天中原失序生人罹厥角之禍皇運甚綴梳之危陛下親討元兇措麾戎旅尊先帝於靈武返上皇於巴蜀以一旅而掃定二京不再周而克寧九廟是陛下締構之功也及乎前帝馱代姦臣窺國懷躡足之變搆無將之端陛下藥將成之禍胎挫已就之凶計由大義而誅呂全至公而嗣文日月蝕而重明寰宇傾而再定陛下續承之孝也臣伏以古先帝王繼躡踐祚者年踰則改元創業

垂統者功成則上號陛下頃以先帝梓宮象設猶在橋山石室
弓劍未藏固違躰大之典將申寧戚之義孝忠之志又何加焉
今二聖靈輜未安陵寢萬方黎庶悉憂華胥聖人之哀榮畢矣
帝王之功業成矣且其大崇徽號允群臣顯然之望惟新正朔
覃四海莫大之澤伏願降明詔下有司許臣等徵三代之故事
考百王之通典改元立號革故鼎新懸之無窮俾映千古臣子
儀等與群臣萬姓不勝懇請大願之至手詔荅曰朕嗣守洪名
欽承丕構克清多難奄旬四方聖神在上玄德敷佑南面恭已
朕何有焉巨猾削平非子之武言念海內生人至難兵鋒猶震
暴骨未掩日旰忘食宵分夜懷遽稱成功良謂虛美玄宮甫畢
豈宜即及改元寶位至尊何以更言加號宰臣之任職在輔弼
勸進之詞深所不取表三上乃許之六月丙申上表獻議曰陛

下昔在藩邸及登儲閣聰明猶齋齋肅端冕遇闕則下入廟必
趨及乎著代成人繼明踐祚聖姿天縱神化日新學冠九流觀
書過於乙夜文高五始逸興利於秋風此則陛下照明之文德
也頃者凶羯亂常彛倫失序陛下新摠戎旅誅討元凶掩慶緒
於洛陽斬朝義於河朔罷三司而復其位職人懷莫大之恩收
兩京而不問脇從國賀而非常之澤泊先帝大漸凶臣伺釁陛
下釋服即戎提戈清難九重違慝王室危於綬旒百姓不知天下
安於石室此則陛下定難之武功也若夫心游繫象之表理絕
名言之外聖斷沈遠同陰陽之不測睿謀鉤深與鬼神而爭與
休氣潛盈草木化為禎祥淳風遠覃蠻夷效其獻貢加以明並
日月德參乾坤風雨應時自有雍熙之兆魚鱉咸若更登仁壽
之期此則陛下莫大之至聖也至於色養盡心飾終追遠問安

內視豈一日而忘朝豎膳宰夫知再飶而方退及乎三聖遠代
九虞親臨至性自天哀容觸地門外之理權依易月之期從心
之喪實履終天之痛財傾象設力竭山陵莫不德通於神明哀
感於天地故得後徒百數之衆皆曰子來送終三十餘日曾無
塗潦此則陛下感通之至孝也若乃神告聖運天呈寶符陛下
登極之辰泗水見其五璧天兵滅虜之日黃河清於千里神鳥
白雀之祥填臨蒞園鄉雲其露之瑞歲至月書此皆靈貺昭告
於休極之大應也且夫允恭霽哲有軒轅戰伐之功焉德合乾
坤有伏羲尊聖之業焉降天休呈地寶有夏禹玄珪之感焉經
天緯地之謂文立極中興之謂武變化無方之謂聖精誠上通
之謂孝降天和騰地氣生無期出有為之謂寶文以昭之武以
定之聖以成之孝以通之寶以應之夫然可以充天地之洪名

崇帝王之大號故臣等冒犯萬死奉上寶應元聖文武孝皇帝
尊號伏願陛下祗膺景命對曰神祇應天理人光膺大典臣等
謹當撰吉日修禮容設九賓覲群后昭告烈祖清廟辰黃琮之
儀有事昊穹圓丘陳蒼璧之禮臣子儀等與群臣萬姓不勝大
慶謹上尊號以聞詔下有司七月壬寅御宣政殿受群臣上尊
號冊曰寶應元聖文武孝皇帝

帝
德宗建中元年正月丁卯朔改元群臣上尊號曰聖神文武皇

興元元年正月朔車駕在奉天詔曰乃者公卿百僚用加虛美
以聖神文武之號被蒙闇寡昧之躬固辭不獲俯遂群議昨因
內省良所嬰然躰陰陽不測之謂神與天地合德之謂聖豈伊
淺劣所敢當仁文者所以化成武者所以定亂朕自臨御于今

六載化之不被亂是用興豈可苟徇群情猥當徽號重予不德
益用懷懋自今以後中外所尚書奏不得更言聖神文武之號
貞元五年十月百僚累上表請復徽號詔曰三省未章彌用號
揚載崇大號何以當之前者示懷蓋非冲讓尚勞敦請豈所宜
然卿等傳忝古今列於朝右思弘獻替共致大和豈以虛名重
予不德再三猶復增惡於懷想昔深裏勿更陳請

六年九月戊午百僚及道士僧等詣闕抗表請上貞元聖神文
武皇帝尊號手詔不許十月己亥再詣闕抗表猶不許因謂侍
臣曰今年春夏亢旱宿麥不登朕精誠祈禱獲降甘雨既致豐
穰告謝郊廟朕儻受徽號以裡享有為為之更勿煩請也

順宗永貞元年八月禪位于憲宗十二月辛酉宰臣文武百僚
請上太上皇等及皇帝尊號表曰臣聞帝堯之禪虞舜也業歸于

于異代漢祖之尊太上也禮循乎虛名未有履尊極而捨萬極
之殷奉晨昏而傳七廟之重斯則堯圖非遠漢道未全倬哉冠
洪名而超古昔者孰若今之盛也伏惟皇帝陛下誕受聖姿欽
膺寶歷自天生德與神合契近者太上皇恭默在疚禪授未行
萬國注心思堯言以致理群生屬望渴聖人之利見陛下終感
於天地孝通於神明成堯舜之內禪固邦家之景命功莫盛於
配天孝莫大於寧親讓莫高於傳聖故太上皇釋天下之負所
以成其讓陛下受宗祧之寄所以保其功惟文王為無憂惟武
王為善繼夏祀永固周命惟新巍巍蕩蕩固無為而稱矣又聞
皇帝之道必躡於至公稱號所加不私於為已將躡元以立政
必紀年以垂號伏願肇茲獻歲允極鴻名發揮玄功昭示景化
則大上皇之德可表於徽冊陛下之孝克施於寰海然後父父

子子君君臣臣仰東海者知聖化之深躋南山者願聖人之壽
臣等不勝大願請上大上尊號曰應乾聖壽太上皇請上陛下
尊號曰文武大聖孝德皇帝因三正之慶會鼓萬國之歡心奉
寶冊以薦鴻徽率群臣而朝上日然後退自問寢列茲克庭先
陳教孝之儀方受慶君之禮斯實邦家之耿光也古今之絕典
也雖朝賀有次已稟於綸言而徽號所尊宜勤於俞詔兆人懇
願罔不顯然憲宗詔荅曰高祖太宗接千載之統垂無疆之休
太上皇承九聖之烈傳莫大之慶嗣德續業允文允武弘帝堯
之欽明宗玄元之清淨付朕天下願神保和至道光於唐虞至
仁合於天地卿等遽述休德祇獻鴻名猶省再三允符朕志朕
獲守寶位丕承睿訓雖嚴恭寅畏不敢怠遑而澤未洽於群生
理未臻於皇極遽言徽號何以當之雖嘉以乃誠難遂來請其

上獻太上皇尊號宜依所奏凡百卿士當躡至懷明年正月丙
寅朔太上皇居興慶宮受朝賀皇帝率百僚奉上尊號曰應乾
聖壽太上皇

新刊監本冊府元龜卷之十六

新刊監本冊府元龜卷之十七

帝王部

尊號第二

憲宗元和元年十二月甲寅宰臣及百僚表請上尊號曰文武聖德皇帝不許

三年正月癸巳御宣政殿受徽號曰睿聖文武皇帝

臣欽若等曰本使關

群臣所請之文

十四年五月丙申中書門下率百僚上表請加尊號曰臣聞惟帝之尊不言而理惟天為大無德而名所以舉洪徽昇大號者導乾坤之心也伏惟睿聖文武皇帝陛下璿樞御丙氣母躋神惣三靈以紀元宅萬國以補化霽日出海雄光照天煙霞變舒草樹動色夫纂大寶者重光之德崇張帝圖者屬統之功盛十

聖儲祉明貞下土一天鏡開引耀幽鑿此臣所以稽衆心而窺
景鑠者也臣聞孝於其父則導善因心忠於其君則望美終日
蓋性本於內義激於中將曲成以無威期取實而不苟所以然
也陛下粵歸宸極十有五年道本至公誠深馭朽有盡下之意
無自我之心以喜怒之氣調陰陽之德比類百則有帝堯之聰
明同旋一心秉神禹之德儉由是荆雒之兇以謀勝庸蜀之虜
以刑誅徐夷之固以德歸吳寇之強以氣戒茂昭以二郡至弘
正以全部來幽鎮無聲滄景交代至若從使執縛宗奭明刑語
於大朝斯為細事自頌淮淝稔禍海岱奮妖歷五聖而不龔稽
四紀之負恃陛下英威電斷睿畧風行決必取於天心示不疑
於輿聽此忠賢所以盡力猛獸所以捐駟一舉而元濟受擒再
動而師道傳首地維自正天下一家六十餘年不聞此事野老

擊壤仁風翳和巍巍神功蕩蕩區域可以比崇於唐虞軒頊迄
可以不柄於高祖太宗且玄宗自先天三二年至天寶十三年
四十年間六上徽號今陛下發揮玄祉輝赫洪猷摠積憤於祖
宗駕千齡於天地飾文武之氣象納廣大於昊穹澤及隱微仁
霑動植圓方不足稱其遠辰象不足契其明瑞舞神魚祥升鳴
鳳若不駿尊親仰陟崇名豈非臣下之惡與臣等是以夕惕夙
夜翕肩累息上探元命下採群情不勝懇戴誠願之至謹上尊
親曰元和順天應道聖文神武皇帝以崇莫大之業以配無為
之功伏惟陛下奉順人靈俯從公議鑒深誠於兆億願景貺於
神祇顯顯四海孰不踊躍帝荅曰詔不許表四上從之七月己
丑御宣政殿群臣冊上尊親
穆宗長慶元年四月辛卯中書門下及文武百僚請上尊親表

曰臣聞上帝至尊也其名有九所以顯高明之位西方大聖也其號有十所以旌神化之功王者提寶運而光宅握瑤圖而首出必建徽號以稱鴻猷斯乃臣子之誠有所法則天之所與不可辭讓伏惟皇帝陛下欽明御歷神武纂戎挺上皇之姿撫中興之運鼓雷霆而清八極懸日月而照九圍粵苦祗事郊廟敬養長樂大孝也省刑責已偃革息兵太澤也慶雲并露見降羽毛呈瑞草木發祥天符也億兆歡心而太和戎夷蹶角而威服人瑞也祖宗未實之地帝王不牧之毗皆勿耀天威獨運聖筭未嘗血一刃勞一夫文軌罔不同禁驚罔不化則軒有阪泉之戰堯有丹浦之征求之徃籍彼宜慙色則明陛下有格天之大戰勲動天之德徽烈已冠於前古而稱號猶仰於當今凡在廟野敢不知罪臣等不勝大願伏乞迴天眷啓宸衷擇吉日崇徽

號塞人祗慊慊之望合夷夏顛顛之誠制荅曰朕以菲德初承大寶嚴恭夙夜脩己臨人燭理未明舉政多闕雖度郊禋之禮或稱瑞應之符而俗尚凋訛人未康乂所患德之不立豈惠明之不尊至於北狄求和西域即序南越投戈而率化西戎繼踵而耒王不俟七旬之朝自銷積紀之弊此皆宗社垂裕公卿贊謀之力也朕何有焉遽議徽名深懼未稱卿等志思將順誠切致君宜勉至懷勿徇虛美表四上從之七月壬子御宣政殿受冊文武孝德皇帝尊號

敬宗寶曆元年四月丙寅宰臣等抗疏請上尊號不許自此累獻四表詔方從之癸巳御宣政殿受冊文武大聖廣孝皇帝尊號

文宗太和六年正月辛亥中書門下及文武百官請上尊號詔

答不許甲寅再上表曰伏以詔闡大猷崇建明號爰自列聖實
從人心或不踰於一二年或至於再三冊伏惟陛下握乾符而
執左契掃氛祲而廓夷途時清俗平世更於七足以光寶祚暢
洪徽造成規久云廢禮而况百靈郊祉庶續其疑祝告玄玄穹
孝光長樂慶澤躋天而接地仁風輝古而映今休禎見于星雲
嘉瑞洽于禽草英聲騰軼於八表和氣旁達於九圍而乃尚執
勞謙未允誠望凡在臣庶實所章惶矣無違而理者不在於去
名在於遂萬物之宜曲而成之者也恭默斯道者不在於變典
冊在於天下為公居而不有者也故曰唯天為大惟堯則之又
曰聖人無常心以百姓之心為心然則王者舉措有法弛張隨
時伏望睿上帝乃眷之懷副下人傾心之望畧為謙之小節乃
奉祖宗之舊儀臣等不勝大願謹上尊號曰大和文武至德皇

帝伏乞仰尊成式俯順群心命有司擇吉日光膺盛禮允答天
人天下幸甚詔曰朕以丕德纂承睿圖業業乾乾懼不克荷是
用法天地無私之道以成化象日月無私之照以燭幽慕唐堯
虞舜之為君繼貞觀開元之致理朕以夕陽霄與不遑暇逸冀
將紹復聖哲保綏華夷至於洪名猶不輕議尚未富庶豈可屬
心卿等台鉉重臣莫宣元化宜翊朕志臻於緝熙今陰靈傷和
尚資寬宥乃以文武至德加于朕躬省視奏章難從履美宜斷
來表深諒予懷庚申表上三詔答不許

七年十二月甲午中書門下請上尊號表曰臣聞自古帝王之
有天下也必建崇明立徽號號者功之表名者德之光所以配
天立極傳於億兆表功明德示於四方伏惟皇帝陛下運啓中
興業隆大寶惣道德而施教法陰陽以為心雖日吳忘勞之規

御朽興念之戒身衣戈綈之儉乙夜觀書之勤斯皆前代之令
猷而哲王之懿範有一於此則為聖明之陛下愬而行之孜孜
不倦而又抑退浮薄崇獎真廉必齊素厚之風每尚儒學之本
端靜道時俗孝愛挾於人倫掃滄景之效克定羗蠻之傲擾去
華尚朴先自六宮端本澄源行乎四海近者早曠偶數時雨猶
愆陛下切納隍之憂深在予之責德音纔發靈貺已隨變應銷
災有如影響焚或受制以軌道壽星叶紀以揚光品彙昭蘇風
雨時若玄功之化覆載同和成貨之仁肖翹皆遂干戈載戰華
夏以清自三代以還仁明聰聖未有如今日之盛者也而自龍
飛代邸將極十年聖德咸通洪名久曠何以彰祖宗之盛烈副
億兆之懇誠臣又聞行過手恭自非中道者以出信斯蓋格言
使尊稱抑而未揚大典闕而不舉天地之符未答神祇之望莫

申臣等不勝大願謹上尊號曰大和文武仁聖皇帝伏惟誕膺
丕典永峻鴻猷葵藿之誠庶傾心之迴照犬馬微志獲蹈舞於
康衢無任悃疑屏營之至前後凡四表詔答不許宰臣以上帝
臨御八年請加徽號適有五坊中人薛季稜自同華迴因奏關
輔村閭百姓彫弊帝歎曰近甸今歲小稔人尚如此况江淮水
潦之後流離疾苦未有弭災援溺之術焉可壘飾鴻名以自尊
大乎因以通天帶賞季稜由是宰相不敢復有所請
開成二年二月自朔至晦方岳之臣請上尊號者二十二道或
至再請者皆詔報不許

武宗會昌二年四月乙丑朔司空兼門下侍郎平章事李德裕
等上章請加尊號曰仁聖文武至神大孝皇帝戊寅御宣政殿
受冊

五年正月乙酉朔大尉兼門下侍郎平章事李德裕及文武百官太常卿孫簡等六千二百二人等奉玉冊玉寶上尊號曰仁聖文武章天成功神德明道大孝皇帝初徽號內無道字有中旨令加之中書奏曰伏以軒居崆峒堯期姑射未有不心遊至道而能功濟生靈暨漢之文景尊奉皇老理致刑措時太康稱開元中玄宗經始清宮崇追玄祖闡繹道要遂臻洽平六合晏然四十餘年今者陛下蹈軒后之靈蹤遵開元之故事建道不責於拱璧澄心已得於玄珠聖壽必過於殷宗景化方躋於漢武臣等所上徽號義雖盡美意有未周今謹上尊號為仁聖文代章天成功神德明道大孝皇帝所貴冠皇上之高號盡臣子之至誠伏希聖慈睿鑒丹懇

宣宗大中二年正月壬戌宰臣率文武百僚上徽號曰聖敬文思和武光孝皇帝御宣政殿受冊

懿宗咸通三年正月庚午左僕射門下侍郎平章事杜宗率百僚上徽號曰睿文明聖孝德皇帝

十二年正月戊申宰臣路巖率文武百僚上徽號曰睿文英武明德大聖廣孝皇帝御含元殿受冊

僖宗乾符二年正月乙丑宰臣崔彥照率文武百僚上尊號曰聖神聰睿仁哲明孝皇帝御正殿受冊

光啓元年五月宰臣蕭遘率文武百僚上徽號曰至德光烈孝皇帝御宣政殿受冊大赦

昭宗大順元年正月御武德殿受朝賀宰臣百官上徽號曰聖

御書

効駿奔而入貢新羅渤海同雲集以趨朝文德來遠著於往誥
此則陛下之文德也恭已臨朝敬親進遠凡被文思之化共崇
孝治之風此則陛下之恭孝也臣等考厥古今詢諸卿士咸以
本朝舊典列聖通規或未郊禋亦上尊號今謹上尊號曰聖明
神武文德恭孝皇帝伏惟陛下允洽洪休光膺茂典俾簡編之
播美徇臣妾之傾心靡執搗謙求揚懿烈帝批其奏曰夫聖明
神武祖宗之業交脩文德孝恭冲眇之躬曷稱况朕猥臨四海
于今三年雖風雨不愆而煙塵未息南有荆門之役北興滏水
之師連歲徵兵通霄輟寐納隍軫懷馭朽增慮敢忘罪已之尤
尚賴得人之治莫不內憑廊廟外倚藩垣乃至庶官悉期陳力
辰居其所衆星拱而麗天后克惟明多士臻而肥國又何必加
予顯號舉彼彛章苟至化而未敷徇虛名而何益卿等勉思同

德洪致求圖躡朕深誠仍斷未表表再上不允
長興元年三月庚辰宰臣馮道率百僚拜表請上尊號曰聖明
神武文德恭孝皇帝表曰先以中外同詞華夷叶慶敬尊往制
特上徽名天啓未回王言疊降過特謙柄尚拘群臣將未顯於
洪休須再陳於丹素伏惟皇帝陛下中興續祀下武膺期務實
去華還淳返朴有聞善必行之聖有無幽不燭之明以神武戡
定四方以文德懷柔八極惟恭與孝繼祖承祧臣等考尋帝載
奉揚休烈請上尊號曰聖明文武恭孝皇帝約就望而瞻譚堯
德叙聲身而首贊禹謀此際陛下以郊禋未辰於泰壇帝饗未
脩於清廟焉水之殘妖未殄江陵之闔境未寧堅違冊赤之誠
更待和平之日今則乾坤大定書軌混同北暨幽陵南窮丹徼
東踰滄海西越流沙率梯抗者願布腹心俟干羽者已陶聲教

圓立報本顯陳燔燎之儀宗佑告虔親奉雲詔之薦而况萬邦
胥悅百穀順成天垂上瑞之文人樂由庚之化鷄竿作解鳳紀
維新野喧擊壤之歌兵入橐弓之詠人祗訢合日月重光明哉
康哉美矣盛矣臣等生逢景運仰鑽丕圖是將億兆之心虔貢
再三之請曾茲實永光於圖史徽猷實冠於古今上契天心下
從人欲凡厥臣庶恭俟允俞詔曰朕固惟涼德獲紹丕基賴心
膺之許謨擊股肱之寅亮懼難負荷常勵齋莊唯誠荒寧敢自
滿假卿等謨猷迭著翼亮弥勤遽以鴻名將加恥質雖驗忠貞
之懇誠非謙慎之懷往年繼上封章累增宣達近者告虔宗廟
辰禮郊立皆輔弼之盡心亦續承之常道縱類推北虜烽燧尤
存雖稍靜南方車書未混至於年穀豐稔皆由台輔燮調豈予
冲人當斯盛美拜宜明予畏相躡朕師臣勉務弼諧無志禔救

堯舜禹湯之大道足可敷陳聖明神武之虛名無煩往復諒茲
深意即斷未章表上三乃從之

四年六月丙午宰臣馮道文武百僚拜章請上徽號內加廣道
法天四字曰臣等聞乾文上布常居莫大之尊坤躰下凝克闡
無疆之道以是發生悠久亭育運行人識玄功遂配高明之號
世詳陰德援標博厚之名皆彰得之一靈盡合通三之稱帝王
繼統古今同符皇風愈至於洽平群願並虔於將順伏惟聖明
神武文德恭孝皇帝陛下乾坤正氣日月並明千年膺出震之
期萬乘發承桃之日寬宏仁大度映博史於前王儉德淳風契
徽猷於太古而自削平多難纂紹洪基視兆庶以如傷致八紘
之丕變蠻夷率服稼穡豐登普天揚溢美之聲當宁固持謙之
旨夙堅衆志久抑鴻名洎辰禮祖宗告虔天地乃從人而降命

獲奉冊以陳誠紀述聖謨但務屬詞之實申明拜典方諧得理之宜郊祀已未日新其化四年蓋理九土咸寧惡黨挺妖伏天威而悉殄遠藩效順感帝德以皆未塞外休兵域中無事保深根而固蒂延地久以天長臣等輒據群情虔敬故事合增加於徽稱免漏畧於宸猷伏以道為廣大之宗天布生成之惠仰惟一德宜惣二名臣等伏請於尊號內加廣道法天二字庶得彰明典禮若傾翊戴之心輝煥簡編永表雍熙之運詔荅曰朕猥以眇躬履承丕構統臨區宇綿歷星霜九有所賓萬務思治鑒往代興廢之木粟前王嗣守之規馭朽索以兢懷攬霄衣而惕摠顧惟寡昧罔敢怠荒而猶帝道未臻皇猷罕著至於五兵銷偃九殺豐穰內由調燮之功外假勲賢之力豈茲宗德擅彼徽名今則漸冀小康將凝大化諒繫台輔俾契混同荷乃遷貢飾辭爰加溢美乍被未奏深匪所懷致君不在於斯文尊主寧勞於懿號未若整舟楫濟川之業竭股肱宣力之誠使化被八荒澤及四海武功文德咸叶於休期君賢臣忠未標於良史今茲來請具驗乃心徒切難嘉必歎依允所上尊號宜不允表三上從之

八月丁未帝齋宿於明堂殿之寢室戊申被袞冕法服御明堂殿百僚朝服班於位攝太尉馮道進玉冊攝中書令劉昫讀冊戊申宣赦畢帝移御榻臨殿檻親慰勞百姓先是積陰旬月是日景物廓清帝甚悅謂范廷光等曰予之不德兩增徽號卿輩輔相之效也

晉高祖天福三年十月戊寅北朝命使以寶冊上帝徽號曰英武明義皇帝左右金吾六軍儀仗兵部法物太常鼓吹殿中省

傘扇者等並出城迎引至崇元殿前陳列帝受徽號畢御殿受百官賀

周太祖廣順三年十月甲子南郊大禮使中書令弘文館學士齊國公馮道率文武百僚諸道節度使內外將校官吏耆老僧道等上表曰粵以惟帝事天惟臣奉主就陽辰禮一人虔報本之心揆德弘猷萬國切歸尊之願載揚明號思稱洪休瞻旒冕以獻言望昊穹而垂允臣等頓首臣聞德所以誕敷四海名所以馳裕萬邦苟黼藻之頌不傳則就望之容何著故乃質文迭用賓實相符禮有常尊臣子合遵於舊典功無與讓君親當協於至伏伏望皇帝陛下清明在躬純德受命弘要於道於天下暢貞風於域中通達無方淵源不測此所謂聖以合道也外宣百度上法三光銅輝昭乾健之規玉燭朗陽舒之景無幽不燭

有感皆通此所謂明以獨遠也至如用姬公之典以御十倫敬孔子之祠以興四教觀書乙夜狗繹孟春遠服殊鄰王道無偏而蕩蕩親平判壘天網不漏而恢恢虜帳以是魂銷并土以之脇息此所謂文以興教武以宅功也又若照姬萬物昭蘇九圍協天載以無聲恢帝猷而有截速如東海高比南山此所謂仁以阜成德以順正者也皇帝陛下聖廣造化明均照臨同文班黼黻之章常武蓄雷霆之勢仁兼孝以並率德與道而相摧惣集衆方光揚茂實臣等不勝大願謹上尊號曰聖明文武仁德皇帝恭惟雍熙之代開泰之朝君臣崇相正之規天地無不交之象書曰一人有慶當皇極之盛隆詩曰萬國作孚在鴻名之遠逮臣等幸逢景運獲事朝廷表端位而列群司各承豐澤章至尊而舒盛德敢息前規瀝懇傾輸望恩俞允詔報曰眇覲前

王之盛盛者或強孤剋夫去天下之暴或手胼足胝服四載之勤何德普施於民而民不知其力蓋為而不有建之若偷巍巍聖功曾無稱號苟異於是孰不近名朕歷數在躬艱難承統莫識三皇之道徒知萬乘之尊至於翼翼小心孜孜庶政推誠待物損己益人上帝佑予以茲三祀日慎一日無德可稱夫五禮交脩四時不忒極類網於會府致函夏之小康斯乃公輔庶臣舉職之明効也七德訓戎四鄙不聳執干戈而衛社撫封域以安民此又勲臣將校為時而宣力也至若蟲螟消殄風雨不愆歲彼豐登民躋富壽茲乃乾坤育物宗社貽休敢貪天功以為己力而公卿叶議中外同詞詣闕拜章增予美號雖為臣之義將順則然諒愛君之心殊不在此朕願寡薄非所宜當即斷來章無至固執所請宜不允表三上從之

監本冊府元龜卷之十八

帝王部 十八

帝德

自古王者受命以有德而昌也後書稱皇天無親惟德是輔易曰日新之謂盛德若夫創業之后天下樂推守文之主人欣戴何哉蓋聖人以順動則悅隨暨聲教則咸服者也昔三皇無為之化五帝垂拱而治巍巍蕩蕩無德而稱顛顛印印恭已而已三代而下百王已還雖教成之蹟不同而君民之德可舉莫不合天地之大齊日月之明表正萬邦暉映千古是知貴為萬乘富有四海在乎以百姓心為心萬物利為利無私之道不宰為功加之雖休勿休日慎一日者得以垂無疆之美也

黃帝軒轅氏生而神靈弱而能言幼而徇齊

年踰五十則聰明心慮無不徇通矣

長而敦敏成而聰明既為天子置左右大監監于萬國萬國和而鬼神山川封禪與為多焉

顯瑞高陽氏靜淵以有謀䟽通而知事養材以任地載時以象

天依鬼神以制義治氣以教化潔誠以祭祀北至于幽陵南至

于交趾西至于流沙流沙在張掖廷居縣東至于蟠水東海中有山焉名曰度索上有大桃

樹屈蟠三千里動靜之物大小之神日月所照莫不砥屬砥平也四遠皆平而未服屬

帝嚳高辛氏生而神靈自言其名普施利物不於其身聰以知

遠明以察微順天之義知民之急仁而威惠而信脩身而天下

服取地之財而節用之撫教萬民而利誨之歷日月而迎送之

明鬼神而敬事之其色郁郁其德嶷嶷其動也時其服也士帝

嚳漑執中而徧天下既字作水傍編字一作尹日月所照風雨所至莫不從服

帝堯陶唐氏其仁如天其知如神就之如日望之如雲富而不

驕貴而不舒將遜於位讓於虞舜曰若稽古帝堯曰放勳欽明

文思安安允恭克讓光被四表格于上下克明峻德以親九族

九族既睦平章百姓百姓昭明協和萬邦黎民於變時雍舜曰

稽于衆舍己從人不虐無告不廢困窮惟帝時克帝謂堯也舜因嘉言無所

乃武乃文伏遂稱堯德以成其義考衆從人益曰都帝德廣運乃聖乃神

天眷命奄有四海為天下君眷視奄同也言堯有此德故為天所命所以勉舜也禹曰帝

光天之下至於海隅蒼生光天下之下至於海隅蒼生孔子曰大

哉堯之為君也惟天為大惟堯則之蕩蕩乎民無能名焉巍巍

乎其有成功也煥乎其有文章

帝舜有虞氏年二十以孝聞三十而帝堯問可用者四嶽咸薦

虞舜曰可於是堯乃以二女妻舜以觀其內使九男與處以觀其外舜居鴻汭內行稱謹堯二女不敢以貴驕事舜親戚甚有婦道堯九男皆益篤舜耕歷山歷山之人皆讓畔漁雷澤雷澤之人皆讓居陶河濱器皆不苦窳也病一年而所居成聚二年成邑三年成都堯將使嗣位歷試諸難作舜典曰若稽古帝舜亦其順考古曰重華協於帝華謂文德言其光大道而行之重合於堯俱聖明濬哲文明溫恭允塞濬深哲也智舜有智文明玄德聲聞乃命以位孔子曰無為而治者其舜也與又曰舜其大知也與舜好問而好察迓言隱惡而揚善執其兩端用其中於民其斯以為舜乎兩端過與不及也其中於民賢不肖皆能行之其德如此乃號為舜舜之言克也又曰後世雖有作者虞舜弗可及也已矣君天下生無私死不厚其子子民如父母有慘怛之愛有忠利之教親而尊安而敬威而愛留而有禮惠而愛散其

君子尊仁畏義耻費輕實忠而不犯義而順文而靜寬而有辨

不厚其子言既不傳位又無以豐饒諸侯臣也取費不為辨費出空言也實謂貨財也辨別也猶寬而栗也

曰德威惟威德明德明非虞帝其孰能如是乎德威則人皆畏之言服罪也德

明則人皆寵之言得人也

夏禹為人敏給克勤其德不違其仁可親其言可信聲為律身

為度以身為法度稱以出作出一壹壹穆穆為綱為紀帝堯使禹為司

空勞身焦思居外十二年過家門不敢入薄衣食致孝于鬼神

卑宮室致費于溝壑方里為井井間有溝十里為域域間有洫溝廣深四尺洫八尺也作大禹

謨曰若稽古大禹曰文命敷于四海祗承于帝言其外布文德教命內則敬承

堯又禹立三年百姓以仁遂焉豈必盡仁言百姓效禹為仁非本姓能仁也遂猶達

也禹治水傳土其德能大中國作大夏之樂

殷湯出見野張網四面乃去其三面事其帝王仁慈門諸侯聞之曰湯

德至矣及禽獸湯舉伊尹任以國政既踐天子位伊尹作咸有一德湯即位奉天無私故詩曰帝命不違至於湯齊湯降不違聖敬日躋昭假遲遲上帝是祗帝命式于九圖仲虺之誥曰惟

王不遷聲色不殖貨利述也不述聲樂言清簡不述女色言既述也有述也此述也行述也德述也懋述也懋述也功述也官述也懋述也懋述也賞述也用人述也惟述也已述也改述也過述也不述也吝述也於述也德述也者述也則述也

勉述也之述也以述也官述也勉述也於述也功述也者述也則述也勉述也之述也賞述也用人述也惟述也已述也改述也過述也不述也吝述也於述也德述也者述也則述也

民述也言述也寬述也仁述也之述也德述也佐述也賢述也輔述也德述也顯述也忠述也遂述也良述也賢述也則述也助述也之述也德述也則述也輔述也之述也忠述也則述也

又伊訓曰惟我商王布昭聖武伐雲以寬兆民允懷言布明武德述也以述也寬述也政述也

皆信述也懷述也我述也商述也王述也之述也德述也又曰肇脩人紀從諫弗拂先民時若居

上克明為下克忠與人不求備檢身若不及以至於有萬邦微

子之命曰乃祖成湯克齊聖廣淵言汝祖成湯能齊聖皇天

眷佑誕受厥命皇天眷顧湯佑助之大命撫民以寬除其邪撫雲撫

以寬政放桀邪述也雲述也湯述也之述也德述也功述也加述也于述也時述也德述也垂述也後述也裔述也又曰湯以

寬治民而除其邪其德能護天下故作大周文王在母不憂故不變在傳弗勤師費順事父不怒父謂

既為西伯遵后稷公業之劉則古公王季之法篤仁敬老慈少

禮下賢者日中之不暇食以待士士以此多歸之虞芮之人有

獄不能決乃入同界耕者皆讓畔民俗皆讓長事共帝王諸侯

聞之曰西伯蓋受命之君一云西伯蓋受命述也之述也年述也稱述也王述也

武王伐紂以除其害其德能成功故作大武之樂

漢高祖寬仁愛人意豁如也常有天度不事家人生產作業不

脩文學而性明達好謀能定既即位自監門戍卒見之如舊

惠帝內脩親親外禮宰相優寵齊悼趙隱思敬篤矣聞叔孫通

之諫則懼然諫復道乘衣冠道也納曹相國之對而心悅對猶高可謂寬

帝制度

仁之至主

文帝即位二十三年宮室苑囿車騎服御無所增益吳王詐病不朝賜以凡杖張武等受賂金錢覺更加賞賜以媿其心專務以德化民是以四海內殷富興於禮義斷獄數百幾致刑措措置也幾近也言天下死罪人不遇數百也十三年下詔曰祕祝之官移過於下朕甚弗取其除之

元帝寬弘盡下出於恭儉甄令溫雅有古之風裂

成帝為太子特寬博謹慎初居桂宮桂宮在城中迤北宮非太子宮元帝常急

召太子出龍樓門門樓上有銅雀若白鶴飛廉之為名也不敢絕馳道馳道天子所行道也

今之中道絕橫度也西至直城門黃圖西出南頭第二門也德絕乃度還入作室門元

帝遲之問其故以狀對元帝大悅乃著令令太子得絕馳道及

即位脩容儀升車正立不內顧不疾言不親指不內顧謂儼然端嚴不迴視人

也不疾言者謂輕肆也臨朝淵嘿尊嚴若神可謂穆穆天子之容者矣

後漢光武以天下既定思念欲完功臣爵土不令以吏職為過

故皆以列侯就第帝雖御制功臣而每能回容宥其小失回曲也

法以遠方真珍井必先徧賜列侯而大官無餘有功職增邑賞

不任以吏職故皆保其福祿終無誅譴者帝明慎政體惣攬權

綱量時度力舉無過事宮房無私愛左右無徧恩建武中幸章

陵觀田廬置酒作樂賞賜時宗室諸母因酣悅相與語曰文叔

帝之字也少時謹信與人不疑曲唯直柔耳今乃能如此帝聞之大

笑曰吾理天下亦欲以柔道行之

明帝善刑理法令分明日晏坐朝幽在必達內外無倖曲之私

在上無矜大之色斷獄得情甄居前代十二十斷其二言少刑也故後之

言事者莫大先建武永平之政

章帝平徭簡賦而人賴其慶又體之以忠恕文之以禮樂故乃

蕃輔克諧群后德讓謂之長者不亦宜乎

魏文帝稱明帝
察察章帝長者

魏明帝口吃少言而沉毅好斷初諸公受遺輔導帝皆以方任
慶之政自已出而優理大臣開容善直雖犯言極諫無摧所戮
其君人之量如此之偉也

晉武帝宇暉弘厚造次於仁恕容納讜正未嘗失色於人明達
善謀能斷大事故得撫寧萬國綏靜四方

明帝為太子性至孝有文武才略欽賢愛客雅好文辭當時名
臣自王導庾亮溫嶠桓彝阮效等咸見親待嘗論聖人真儼之
意導等不能屈又習武藝善撫將士于是東朝濟濟遠近屬心
焉及即位聰明有機斷尤精物理于時兵凶歲飢死疫過半厘

弊既甚事極艱虞屬王敦挾震主之威將移神器帝崎嶇遵養
以弱制強潛謀獨斷廓清大侵改授荆湘等四州以分上流之
勢撥亂反正強本弱枝雖享國日淺而規模宏遠矣

簡文帝幼而岐嶷為元帝所愛郭僕見而謂人曰與晉作者必
此人也及長清虛寡欲尤善玄言

孝武帝幼稱聰悟即位時年十歲至晡不歸左右進諫答曰衰
至則哭何嘗之有謝安嘗歎以為精理不減先帝既威權已出
雅則人主之量

恭帝為琅邪王輔政安帝既不惠帝每侍左右消息溫涼寢食
之節以恭謹聞時人稱焉

後魏道武幼遭艱難備嘗險阻具知民之情偽及在位躬行仁
厚協和民庶既定中原患前代刑綱峻密乃命三公即王德除

其法之酷切於民者幼定科令大崇簡易是時天下民久苦兵亂畏法樂安帝知其若此乃鎮之以玄默罰必從輕兆庶欣戴馬

明元道武長子明敷寬毅非禮不動道武甚奇之太武聰明大度意豁如也

獻文聰敏機悟幼而有濟民神武之規

孝文敦睦九族禮敬俱深雖於大臣持法不縱然性寬慈每垂矜捨聽覽政事莫不從善如流哀矜百姓常思所以濟益天地五郊宗廟二分之禮常必躬親不以寒暑為倦每言凡為人君患於不均不能推誠遇物苟能推誠胡越之人亦可親如兄弟常從謂史官曰直書時事無諱國惡人君威福自己史復不書將何所懼南北征巡有司奏請治道帝曰粗脩橋梁通輿馬便

止不須去草剗今平也凡所脩造不得已而為之不為不急之事損民力也巡幸淮南如在內地軍事須伐民樹者必留緝以酬其直稻梁無所傷踐太和十七年南伐大尉不奏請以宮人從詔曰臨戎不語內事宜停來請帝愛奇好事情如飢渴待納朝賢隨才輕重常寄以布素之意倏然玄邁不以世務嬰心曾幸華林園因觀故景陽山侍郎郭祚曰山以仁靜水以智流願陛下脩之帝曰魏明以奢失於前朕何為襲之於後祚曰高山仰止帝曰豈非景行之謂

後周太祖性好朴素不尚虛飾常以反風俗復古始為心知人善任使從諫如流崇尚儒術明達政事恩信被物

明帝寬明仁厚敦睦九族有人君之量

武帝初為大司空甚為明帝所親愛朝廷大事多共參議性沉

深有遠識非因願聞終不輒言明帝每歎曰夫人不言言必有中及即位勞謙接下自強不息征伐之處躬在行陣性又果決能斷大事伐齊將戰有司請換馬帝曰朕獨乘良馬欲何所之故能得士卒死力

隋高祖初入太學深沉嚴重雖至親昵不敢侮狎外質木而內明敏有大畧初得政之始群情不附諸子幼弱內有六王之謀外致三方之亂握強兵居重鎮者皆周之舊臣帝推以赤心各展其用不踰朞月克定三邊未及十年平一四海

唐高祖七歲襲身唐國公侗儻不羈豁達大度至性剛強直無矯飾志畧宏遠寬仁容衆凡所與遊集無貴賤皆得其歡心及義兵起群盜大狹爭來歸附焉謁見必與同坐或延之卧內握手造膝恩如朋友賞賜金帛無所愛吝凡有委任推以赤心皆

許便益從事未嘗限以文法由是御命畢力向義者如流及即位見舊愛故人持執搗降有自遠方至者皆為之興加禮貴臣常引升御榻肆意欵昵言必稱名初軍君多務奏請填委臨朝處分割決如流每發其姦伏皆出人之意表然唯舉大綱不存苛細常從容謂侍臣曰隋煬帝時遣左右覘察得失朝臣戰懼咸不自安君臣一體豈當如是

太宗始自襁褓視瞻舉措有異於常尤為祖穆太后后之所鍾愛將每隨從不離左右踐祚之始霜旱為災粟價騰起突厥侵抄州縣騷然帝布德寰中申威遐外旬月之間九區寧謐至於進賢任能厲精為政求士若不及從諫如轉圜分遣旌旄撫臨戎狄未幾而單于面縛葱西肉袒傍微儒學興復制度禮樂畢備風教興行下無滯才上無批政商旅野次無盜賊外戶不閉

園園常空制御王妃公主之家及大姓豪猾之伍斂手屏跡無敢侵犯亦古昔未之有也嘗謂侍臣曰今天下無事四夷賓服唯須守此成功以養百姓又指殿而言曰安百姓者如造此舍經始斯畢安可改移若易一椽增一瓦人足競踐良工揮墨挫其梁棟所壞益多亦猶百姓既安因而撫養若若慕竒功變法制不常其德必致勞擾又常狩于驪山帝登山頂見園斷絕顧謂從官曰山此險絕馬路不通攀緣危澗人亦勞止若依軍令關圍有罪朕為萬乘主不可登高就下察人之過乃迴馬避之又嘗謂侍臣曰傳云已所不欲勿施於人朕今每事由已誠能自節豈獨百姓不欲而必煩其情但四夷不欲亦能從其意耳又豈征遼將發定州詔以宮女十人從司徒長孫無忌表請陛下躬自度遼天下魚符及神璽悉從宮女減少將委官而天下

人觀之以為陛下輕神器帝曰度遼者十餘萬人皆離家室朕將十人猶慙大多夫自厚其身必勞百姓十人以主璽符必可不任官人朕心已在言前頌公重請又右衛將軍陳萬福違法取驛麩數碩帝欲加罪賜麩以媿其心帝威容甚肅百僚進見皆失其指帝知其若此每見人奏事必假借顏色使得盡言嘗謂公卿曰朕見場帝多忌朝臣不語非謂待下者也朕欲上和下睦君臣一體遂語百僚日午事隙各歸帝所有情好任其往來虛懷博納不欲見人之短又謂群臣曰朕比許上封事者欲知國家臧否政教得失而無識人因此兼言公等憊過朕皆弃而不覽想不以懷疑

玄宗生而聰明睿哲及長寬人孝友識度弘遠英武果斷不拘小節

肅宗始五歲聰明秀異及長英睿有謀畧仁愛孝友得之天性有檢劑規矩臨事立斷應若雷霆

代宗繼天聖德仁孝友悌至性過人聰明神武寬而能斷碩量洪深喜怒不形於色自幼好學樂善強記及長博通經籍尤精易象而溫恭簡敬動必由禮及即位取則二儀推誠萬方含弘光大寬而能斷聖德在人而不有神功格天而不言可謂中興之主

德宗貞元中嘗謂宰臣曰先師有云居上不寬吾何以觀而今已後朕擬務行寬大之令百僚有才能而行有不周者當弃瑕錄用無求備於一人

順宗為太子時於父子間慈孝交結無嫌每以天下為憂德宗在位稍久不暇宰相觀權而左右得因緣用事外則裴廷齡李齊運常渠牟等以姦佞相次進用廷齡尤狡險判度支務刻剝聚斂以自為功天下皆怨怒帝每進見候顏色輒言其不可及陸贄張滂李充等以毀譴朝臣悚懼諫議大夫陽城等伏閣極論德宗怒甚將加城等罪外無敢救帝獨開解之城等賴以免德宗卒不相廷齡牟者帝之力也貞元中中官多詐稱宮市肆奪人物百姓怨若帝嘗以為言德宗雖不能悉聽用而心益賢重太子未嘗假借內官顏色居東宮二十餘年天下陰受其賜

憲宗即位初昇平公主進女口十五人帝曰太上皇不受獻朕何敢違其還郭氏京師氏庶聞之者皆喜相賀相望太平焉元和末光祿卿揚元卿奏曰淮西平甚有寶貨及遲帶臣知之往取必得帝曰朕本討賊為人除害今賊平人安則我求得矣寶

財屨帶非所求也勿復此言

穆宗寬仁大度天資博厚喜怒不形於外元和末帝在東宮時侍讀諫議大夫常綬奏帝學書至依字輒去其傍人字臣問之故荅曰君父母以此字可天下之奏臣子豈合書之憲宗深嘉嘆焉

文宗初封江王在藩邸溫恭沖默好學不倦

宣宗每對臣僚肅然拱揖鮮有輕易之言大臣或獻章疏即燒香與手受而覽之當時以大中之政有貞觀之風焉

昭宗攻書好文尤重儒術神器惟俊有會昌之遺風以先朝威武不振國命寢微而尊理大臣詳延道術意在恢張舊業號令天下即位之始中外稱之

後唐莊宗便騎射膽畧絕人其心豁如也採錄善言聽納容物

為晉王時躬親庶務每與賓僚參議以恤物為心視民如傷孜孜不倦嘗有疑獄法司以狀其聞帝猶慮獄吏榜笞誣枉覆訊曰非獄吏榜笞乎非勢門排陷乎點囚或誣譎帝以具獄按格令條其罪以示之囚既俛首伏罪帝愍然謂之曰非吾殺爾爾當自殺每出於路遇飢寒無告者必臨馬駐問解衣衣之推食食之其山林群盜邑里酋豪皆革心從化各務生產屏出貪吏杜塞幸門登仕循良振拔沉滯不踰朞月民俗丕變市無強賈路不拾遺閭里之間無復犬吠之驚流傭畢復頌聲聞於道路三農稔熟上下翕然

明宗初為太祖親騎惟武獨斷謙和下士每有戰功未嘗自伐居常惟治兵伏持廉處靜晏如此也太祖嘗試之居於泉府命恣其所取唯持末帛數緜而出

晉高祖性沉澹寡言笑讀兵法重李牧周亞夫之所行事初為大原尹未嘗以絲竹滋味而輒自燕樂每公退必召幕賓論民間稼穡及刑政德失幕賓嘗奉旨曰且使人輦青白銅錢給之常俸之外優以品實但且在公宮不許遊適士人亦傾心自効無所倦焉

周太祖性聰明凡軍志政經深窮肯肇人皆服其敏無以過之世宗幼而英悟以嚴重自處與賓客言必低聲柔氣商榷古今及論攻戰之事則縱辨高譚詞理鋒起故時人多之及即位與侍臣論及賞罰之道帝王曰但依道行之朕固不因怒加罪因喜賞人也

新刊監本冊府元龜卷之十八

新刊監本冊府元龜卷之十九

帝王部 十九

功業

春秋述七德之武周官著九伐之法蓋夫有天下者未嘗不由嚴師律彙行威罰以成乎善志而或隆大業者焉三代之後賢王踵武丕承基緒以御諸夏或乃橫俗弗率倣優邊鄙敵國拒命毒痛齊民以至巨猾猖狂連群而為盜克黨跋扈逆理而自安由是申命將帥恭行討伐式遏亂畧震耀皇靈用能興衰撥亂宣威昭德推亡蕪若闢壤土以益國懷荒振遠通驛候而置吏邊陲增保障之固文軌致混同之盛至若躬聖哲之表參締構之謀履艱危之運著戡定之績豈止謀成帷幄授律之允臧蓋以身先士衆大勲之克集者也

周宣王能興衰撥亂命召穆公虎平淮夷其詩曰徐方既同天子之功

漢武帝元鼎五年四月南越相呂嘉反殺漢使者及其王王太

后遣伏波將軍路博德出桂陽下湟水樓船將軍陽僕出豫章

下滇水歸義越侯嚴為戈船將軍出零陵下離水嚴故越人降為歸義侯越

人於水中負人船又有蛟龍之害故置戈于船中因為名甲為下瀨將軍下蒼梧甲越人歸漢者

伍子胥書皆將罪人江淮巨南樓船十萬人越馳義侯遺亦越人

別將巴蜀罪人發夜郎兵下牂柯江咸會番禺六年十月平之

事具小以以其地為儋耳珠崖南海蒼梧鬱林合浦交趾九真

日南九郡初馳義侯因捷為發南夷兵且蘭君恐遠行旁國虜

其老弱恐發兵於漢行後其國空虛而傍國未冠鈔取其老弱也乃與其眾反殺使者及捷

為大守漢乃發巴蜀罪人當擊南越者八校尉擊之會八校尉

不下中郎將郭昌衛廣引兵還行誅隔滇道者且蘭言因軍行而便誅之

斬首數萬遂平南夷為牂柯群夜郎侯始倚南越南越已戒還

誅謂軍還而誅且蘭夜郎遂入朝邛笮苴駝皆震恐願於請臣置吏以

邛諸為越嵩群笮都為沈黎群苴駝為文山群廣漢西白馬為

武都郡是年秋東越王餘善反攻殺漢將吏遣橫海將軍韓說

中尉王溫舒出會稽數船將軍楊僕出豫章擊之明年冬東越

殺王餘善降詔曰東越險阻反覆為後世患遷其民於江淮間

晉武帝咸寧五年十一月大舉伐吳遣鎮軍將軍瑯琊王佃出

涂中安東將軍王渾出江西建威將軍王戎將武昌平西將軍

胡奮出夏口鎮南大將軍杜預出江陵龍驤將軍王濬廣武將

軍唐彬率巴蜀之卒浮江而下東西二十餘萬以大尉賈充大為都督行冠軍將軍楊濟為副總統大軍大康元年三月孫皓

降收其圖籍尅州四郡四十三縣三百一十三

後魏大武始元四年五月討偽夏赫連昌于長安六月甲辰昌將麾下數百騎西南走奔上邽乙巳入城虜群昌弟及其諸母姊妹妻妾官人萬數府庫珍寶車旗器物不可勝計神嘉元年二月監軍侍御史安頡擒昌歸京師

後周武帝建德六年正月齊合州五十五郡一百六十二平北縣三百八十五戶三百三十萬二千五百二十八口二千萬六千八百八十六乃於河陽幽青南交豫徐北朔定並置惣管府相并二惣管各置官及六府官

隋文帝開皇八年三月詔大舉伐陳十月命行臺尚書令晉王廣出六合秦王俊出襄陽清河公揚素出信州荊州刺史劉仁恩出江州宜陽公王世績出蕪春新義公韓擒虎出廬江襄邑

公賀若弼出吳州落敢公燕榮出東海合惣管卒兵五十一萬八千皆受晉王節度東按滄海西通巴蜀旌旗舟楫橫亘數千里九年正月陳國平獲州三十郡一十縣四百

唐太宗初為唐國公子隋末群盜鋒起陰有濟時之志遂降節下士推財養客無貴賤咸能得其歡心至于群盜大俠皆願效死及從高祖於大原與晉陽令劉文靜善文靜坐李密親繫獄帝乃就禁所與之言陰圖舉義于時百姓避則多入郡城城中勝兵者道將數萬人文靜為令歲久知其豪傑又長孫順德劉弘基等避遼東之役皆隱匿從帝遊客甚衆於是密布腹心陰設籌策部置悉定即舉兵恐驚高祖欲以情告又慮不聽沉吟者久之未能決後因屏人白狀高祖大驚曰何意敢發此言汝留勿出吾將執汝告官因命絳筆即欲表太宗徐復言曰見天

時人事如此所以敢言必欲執告不敢辭死高祖乃曰吾鍾愛於汝汝亦自知豈能告汝慎勿出口且去明日可更來太宗旦曰復見辭情懇至高祖不得已遂馬許以備至威等故猶豫未發會高祖被拘帝流涕言於高祖曰奉國事家惟忠與孝今國亂主昏盡忠何益破家絕祀非孝所宜事計矣便須早建大計功若有成當威加天下不成猶可出頭望廷尉豈宜大亂之時受執於單使而坐見夷滅乎高祖悅而從之兵臨發會事釋而止帝又說高祖曰晉陽者唐之舊國天之命我久矣今順天舉事誰謂不成且天與不取反受其咎臨機不斷禍必從之會劉武周作亂於是決策誅王威高君雅首舉義師奉高祖以為大將軍皆太宗之謀也尋率兵畧地進擊西河郡初至城下諭之不從即縱非梯士卒爭上司法書佐朱智誣為內應遂尅之獲

郡丞高德孺數之曰卿見野鳥謬稱是鸞以諂時主指鹿為馬以致亡秦卿之類也義兵之舉正欲誅佞人耳於是斬之餘皆慰撫盡復其業百姓大悅更相賀曰所謂以義安天下矣此真吾君也自今之後其見大平乎師旋拜右領軍大都督三軍皆隸焉封燉煌郡公及義兵謀將西上隋將宋先生頓兵霍邑屈突通鎮河東議者憚之帝笑曰天實棄隋人孰能輔商周之不敵其來尚矣先生之輩當如我何億兆離心適足為吾擒耳及師賈胡堡會霖雨糧盡高祖僉謀於衆將返太原帝進諫曰本興大義以救蒼生不顧殺生以安百姓當須先據咸陽號令天下今遇小敵便即班師將恐義從之徒一朝解體還守大原一城之地此為賊耳何以自全高祖不納促令發引帝遽將復諫會暝高祖已寢地不得入夜漸久遂於外號泣聲聞於內有命

引入問其故對曰今者兵以義動進戰則赴退還則散兵散於前敵乘其後死亡湏臾而至是以悲耳高祖乃悟曰兵馬已去如何帝曰初遣兵之使世民已執於堡外矣所領右軍嚴而未發何言任汝也帝親與公子建成分路追兵時方中夜帝馳入復左軍雖去猶慮不遠今請自追之高祖笑曰吾成敗在汝知深谷遂失道下馬步上久而得路及兵迴高祖乃令帝自為武侯將輕騎夜發前行及次河東關中豪傑爭來附義帝請進師入關取永豐倉以賑窮乏收群盜以圖京師高祖皆曰善帝以前軍濟河先定渭北畧地於三輔自同華幽雍吏人及盜賊爭赴軍門請自效者相繼不絕扶老携幼滿於麾下千里之間軍糧日至收納英俊以備僚列遠近聞者咸自託焉師次於涇陽勝兵九萬胡賊劉鷄子擁兵而至未即歸款太宗親率精騎襲

繫破之遂并其衆因趣司竹李仲文何潘仁向善志等歸附之衆頗阿城獲兵十三萬長安富老齋牛酒詣旌門者不可勝計並勞而遣之一無所受軍令嚴肅秋毫無所犯先是避盜入南山者樞負皆出軍中有列肆如都邑焉初帝之趣司竹也留劉弘基嚴開山屯長安故城隋人出爭利縱兵擊却自是之後京師留守衛文昇陰率精兵十萬閉門守城不敢拒敵帝進屯金城坊及大軍圍京城自朱雀門

及倉城並帝所部連營以圍之京師平隋恭帝義寧二年以帝為光祿大夫唐國內史封秦國公會薛舉以動兵十餘萬至渭濱扶風危急太子竇璡請救帝率兵擊之大破其衆追斬萬餘級畧地于隴坻尋為右元帥摠兵十萬徇東都軍屯西苑營於三王陵自三月至于四月而旋時京師新定李密向強且事觀

兵未遑決戰迺於熊毅二州置重鎮而還平定王充之基始於此矣武德元年九月薛舉寇涇州帝發兵以擊之屯於高塢城深溝高壘相持六十餘日會舉死其子仁果嗣立并羗胡之衆尚十餘萬兵鋒甚銳數來戰帝按甲以坐之賊糧盡中頗携貳其將翟長孫梁相即率所部相繼來降帝知仁果心腹內離願謂諸將曰可戰矣因令行軍總管梁實營於淺水原誘之以賊大將宗羅睺自持驍悍求戰不得氣憤者久之及是盡銳來攻梁實莫逞其志實固險不出以挫其風營中無水人馬不飲數日羅睺攻之愈急帝度賊已疲復謂諸將曰彼氣將衰吾當取之必矣申令諸軍遲明合戰令將軍龐玉陣於淺水原南出賊之又以先餌之羅睺共軍共戰玉軍機敗既而帝親御大軍奄自原北出其不意羅望見復迴師相拒我表裏齊奮呼

聲動天羅睺氣奮奪於是大潰斬首數千級投澗谷而死者不可勝計帝因率左右二十餘騎追奔趣直折塢以乘之仁果列陣城下帝據涇水以臨賊賊徒氣沮無敢進戰其驍將渾幹等數人歸陣來降請還取馬帝縱遣之於是各乘良馬馭吏並至仁果大懼嬰城自守帝具知賊中虛實將領大軍繼至四面合圍因縱辨士諭以禍福城中震駭計無所出詰朝仁果率其將士開門請降師還拜大尉陝東道行臺尚書令鎮長春宮闕東兵馬並受節度金宋剛之陷滄州也兵鋒甚銳高祖以王行本尚據蒲州呂崇茂反於夏縣晉滄二州相繼陷投關中震駭乃遣中書侍郎唐儉馳下手勅曰賊勢如此難與爭鋒宜奔河東之地謹守關西而已帝表曰大原王業所基國之根本河東殷實京邑所舉若舉而行之臣竊憤恨願假精兵三萬必望風平殄

武周克復汾晉高祖大悅於是悉發關中兵以益之三年十二月帝趨龍門関履兵而渡進屯栢壁於時大亂之後未有倉儲自河以東人情搔動各入城壁莫有固志軍資糧食徵稅無所帝乃出教示其禍福令之所行爭來歸款自近至遠投附日多然後漸收其糧以濟軍事諸將咸悅遂養兵秣馬與賊相持惟令偏裨乘間抄掠大軍堅守不戰由是賊徒日蹙於後賊將尋相尉遲敬德潛引精騎援王行本於蒲州帝親率步騎三千從間道夜趨婁邑邀擊大破之追奔數十里尋相等僅以身免悉虜其衆三年四月金剛糧絕而遁帝逐之于介州金剛列陣南北七里以抗官軍帝遣摠管李勣程瓌全秦叔寶當其北翟長孫秦武通當其南親御中軍以臨之諸軍戰小却為賊所乘帝精騎三千直趣金剛賊衆大潰斬首三十餘級追奔數十里至

張難堡有浩州行軍惣管樊伯通張德政先據此堡望見帝精騎而來初未之識太宗免胄曰我也堡人譙諫既而涕泣曰不圖今日生謁大王死無恨矣時金剛脫身北遁尉遲敬德退保介州帝進軍逼之敬德與尋相王赤龍等率衆八千人來降武周大懼奔於突厥大軍進至并州偽僕射楊休念以城降悉復舊地突厥遣步利設及骨咄祿動來會於是大饗將士高祖遣蕭瑀就軍拜益州道行臺尚書令五月帝發并州仍以旋師平夏縣歸而獻捷高祖大悅即奉詔以加東道行臺摠管諸將擊王充於七月洛邑發京師自関以東州府鎮兵馬咸受節度師次穀州王充以精兵三萬來拒戰帝率輕騎挑之相遇於磁澗既衆寡不敵加以溪谷路險被圍數重進退阻絕衆咸大懼帝引弓馳射皆應弦而倒獲其大將燕頰賊乃退帝徐還犯冒埃

塵見者不能識軍中自相拒抗於免胄以示衆乃方得入營旦日陳兵穀水之上步騎五萬帝舉麾誓衆曰隋室無道毒被蒼生我國家受命於天寧濟億兆王充敢抗大邦數行侵暴枉殺良善恣其淫酷國家為百姓除害事不獲已各宜整肅軍容脩脩器械立勲立效冀行天罰敢有犯命者斬無赦於是自穀州營於磁澗蜜遣黃君漢夜從河中不舟師襲迴路城克之因置兵為守以斷河橋王充遣偽大子玄應率諸驍將盡銳攻擊而校尉張義等七十餘人戮力拒之會帝發兵來援賊衆乃退王充北路既斷自河以南城堡並相次歸降九月又移營屯於孝水分命諸軍進屯北芒連營以逼之帝以五百騎先觀戰地卒遇王充將萬餘人進帝擊其騎破之又衝步卒出其後陣以大羽箭射之死者相繼賊皆被靡亦會衆軍繼進合擊遂破之斬

首三十餘級獲其大將軍陳智畧王充僅以身免偽營州惣管楊慶遣其兵曹劉敏行間行乞降請兵應接帝遣惣管李勣等率步騎數百自陽城迎之時偽太子玄應先將兵在滎汴之間聞勣兵至遽來邀戰勣擊却之乃夜令郭恪與偽營州刺史魏陸書喻令歸國陸許諾陰從東都城內送其父母出赴大軍以自取信玄應遣偽大將軍張志就陸徵兵陸詐病不出召志入遂擒之即以城降陸仍遣志詐偽玄應書停其東道兵馬令張慈寶且還汴州又密執刺史王要漢令圖慈寶傳首大軍玄應既見諸州相率歸國由是大懼奔還東都李勣乃得安慰東夏於是偽蔚州惣管時德叡伏州刺史王孝矩袁州刺史楊承仙封州刺史郭神會行軍惣管武買等並首尾來降王充東道糧運自是而絕於是分遣惣管史萬寶據龍門劉德威自太行圍

河內王君廓屯洛口將趣成高偽驍將單雄信裴孝達等與惣
管王君廓相持於洛口帝親率兵騎五千以援之次轅轅雄信
聞而退走君廓追敗之王充以兵二萬攻我孝水堡帝率騎擊
之斬首數百級于時出師日久士卒思歸惣管李安遠劉弘基
李壽等皆勸班時帝曰今者行兵正欲一勞永逸東道諸州望
風歸附洛陽孤城何能支久功在垂成勢同沃雪何乃棄之而
去非計之善者乃令諸軍曰王充未破師必不還更有諸班師
者斬衆心乃定帝與王充書諭以禍福充不答羅士信取其千
金堡帝令屈突通守之充自來攻帝以兵赴援表裏奮擊王充
大敗俘斬六千餘人幾獲王充偽鄭州司兵浣悅以武牢請降
將軍王君廓夜應之自水門入擒其偽荆王行本遂而守守之
會竇建德以兵十萬來救帝破之於營陽建德築壘于板渚帝

屯伺官軍不與戰相持三十餘日五月有自賊中來者云建德
伺官軍芻盡必牧馬于河北因襲武牢帝聞之遂北濟河南臨
廣武察敵形勢觀兵而還因留馬而誘之是日天晚至武牢詰
朝建德果悉衆而西陳兵于汜水王充將郭士衡陳于淇南周
亘數里鼓譟建德遣兵涉汜水帝令惣管王君廓以少兵擊之
待河北馬渡方欲與戰建德列陣自辰至午兵士飢倦人皆坐
列又爭飲水帝乃令宇文士及將三百騎經賊陣之西馳而南
上誡之曰賊若不動番宜引歸如其覺動宜引東出土及纒過
賊衆果動逡巡欲退帝曰可以擊也親率輕騎追而誘之衆軍
繼至建德迴師而陣未及整列帝先登以擊之所向皆靡俄而
衆軍合戰囂塵四起帝率大史柰程金甌秦叔寶宇文敵等纒
幡而入出其陣後張我旗幟賊願見之衆乃大潰追奔三十里

斬首三十餘級虜其衆五萬餘人擒建德於陣介夫致之高祖聞而大悅手詔曰聞獲建德竟如汝所料畫策者雖吾平定者汝也吾聞黃河千年一清乃當今日汝功一也隋氏分離峭函隔絕兩雄合勢一朝清蕩汝功二也兵既尅捷更無死傷無媿為臣不憂其父汝功三也吾今聞懷抱養蒼生令盡天年心無外慮汝功四也既而帝從河南路還大營絰王克鞏縣及偃師故城並爭來投於是將建德至東都城下以示王克克與其言而泣於是素服率其屬二千餘人詣軍門請罪帝接之以禮克俯伏流汗帝謂之曰卿常以童子見處今見童子何恭之過乎王克頓首謝罪於是部分諸軍先入東都布兵守捉軍令齊肅莫敢有犯明日入據宮城令蕭瑀竇軌等封府庫一無所取令記室房玄齡先入中書門下收隋圖籍詔誥已為王克除削一

無所獲其城中文武與王克元同謀者誅之枉見囚禁者釋之非罪誅戮者祭之葬之官人百姓皆荷再生之恩矣師還群臣以帝功絕常倫請加殊號高祖以帝為天策上將位在公王上領司徒陝東道大行臺尚書令增邑二萬戶通前三萬戶賜金輅一乘袞冕之服玉璧一雙黃金六十斤前後二部鼓吹及九部之樂班劍四十人未幾竇建德舊相劉黑闥舉兵於相州帝摠戎東討五年五月進軍肥鄉相持兩月闥率步騎二萬南渡洛水結陣而至帝遣輕騎當之賊皆殊死戰於是親率精騎擊賊馬軍破之因乘勝蹂其步卒自午至昏戰數合賊大潰斬首萬餘級溺水死者數千人闥與二百餘騎北步悉虜其衆時徐圓郎阻兵徐袞帝進師圍之會奉詔馳傳入朝因令巢刺王元吉以師濟河太宗至京師論攻取之勢高祖大悅復令馳詣黎

陽與大軍會遂趣濟陰平圓郎十城聲震淮泗脇杜伏威令其
入朝河濟江淮盡遂班師六年突厥寇馬邑帝北伐至并州突
厥以馬邑歸國遣使和親置屯田於并州而還定七年幸仁智
宮時寧州摠管楊文幹舉兵作亂寧州人杜鳳詣宮告變帝率
衆討之師未至而克徒震懾文幹為其麾下所殺于時突厥數
為邊寇人或說高祖曰突厥類寇關中者徒以府藏子女之在
京師故也若焚燒長安而不都則胡自止冠高祖感之遣中書
侍郎宇文士及踰南山以至樊鄧行居可之地將徙都焉隱太
子巢刺王及裴寂並贊成此計帝諫曰獫狁孔熾作亂中華自
古有之非獨今也周漢並羅其難未聞遷徙都邑今陛下聖明
摠一天下思皇多士帶甲百萬霍去病漢庭之將帥耳猶且志
滅匈奴臣忝備藩維尚使胡塵不息遂令陛下議欲遷都此臣

之責也幸乞聽臣一申微效取彼頡利以謝中州不數年間必
係單于之頸何有遷遷都邑快犬羊一旦之情貽後人萬代之
耻高祖大笑曰吾家千里信不虛也於是遂止是年秋突厥二
可汗舉國入寇道自原州連營南上帝受詔北討巢刺王元吉
隸焉初閏中霖雨至是大水糧運阻絕士卒疲於征役甲仗不
能豎利而突厥大逼舉朝危懼高祖獨特帝委以捍禦既而器
械不足以當敵城池不足以據守帝頗患之諸將憂見於色及
勒兵北上與虜遇於幽州帝部分兵馬候機當戰頡利率率
萬餘騎奄至城西乘高而陣將士懾懼三軍大駭帝謂元吉曰
吾既出討固敵是求今胡騎憑陵須與一聞豈宜安坐示之以
怯吾當自率精銳以張國威再可同行也元吉大懼對曰突厥
兵勢若此之強輕脫取敗決無出理太宗曰汝不敢去宜傍觀

得失吾當往為汝出奇乃親率百騎馳詣虜陣告之曰國家與可汗誓不相負何為背約深入吾地我秦王也故來一決可汗若自來我當與可汗兩人自戰若欲兵馬揔來我唯百騎相禦耳頡利弗之測笑而不對帝又令前騎告突利曰往與我我盟急難相救爾今將兵來何無香火之情也亦宜早出一決勝負突利不對大將又前將渡溝水頡利見帝輕出及聞香火之言乃陰猜突利因遣使曰王不須渡我無惡意更欲共王自斷當耳於是歛軍稍自引却此後連雨更甚帝乃曰諸將謂之曰虜控弦鳴鏑弓馬是憑今久雨穉時孤矢俱敝突厥人衆知鳥鐵翻我屋宿火食槍槊犀利料我之逸揣敵所勞此而不乘夫復何待今欲先令勁兵亂其陣乃率突騎驅其後虜俗進不相救自此以北澗太深長時有以道魚貫以度因而迫之彼數十萬

騎坑穽中物耳追至黃河縱不盡擒必當十獲八九此曉兵者所解諸君勿疑於是師夜出冒雨而進醜徒盡駭因縱反間於突利突利悅歸心焉遂不欲戰其叔姪內離頡利欲戰不可因而請和帝許之結盟而去九年高祖以帝為皇太子遂即帝位貞觀一十三年二月辛酉太宗克平沙漠以為州府其都督刺史侯利發等統遣使來請每元正朝賀則數百千尋常馳使道路不絕老幼不憚遐速悉手持方貢是日引見諸藩使人太宗謂群臣曰漢武窮兵朔垂三十餘載中國空虛所獲無幾比於今時故無等級朕之功業大小竹帛豈能盡載中書侍郎崔仁師曰古者書史所載多為虛詞豈知今日事皆實錄聖道之大故無得而稱豈繅素所能盡太宗曰吾知勞逸不同者有二鐵勒解辨歸國去危就安邊夷無事豈不逸樂而窮髮之地盡

為齊人古昔以來書史不載今日起居紀朕功業亦謂勤勞
高宗乾封元年十一月命司空英國公李勣為遼東道行軍大
摠管率裨將郭待封等以征高麗二年二月勣度遼遂引兵於
新城西南掘山築柵且守中城窘迫數有降者自此所向克捷
高藏其男女遣大夫兄男產將首領九十八人持自幡出降請
便入朝勣以禮接延男建猶閉門固守總章元年九月勣又移
營於平壤城男建頻遣兵出戰皆大敗男建下捉兵摠管僧信
誠密遣人詣軍門許開城門為內應經五日信誠果開門勣縱
兵入登城鼓譟燒城門樓西面火起男建窘迫自刺不死十一
月拔壤城平虜高藏男建等十二月至京師獻俘於含元功詔
以高藏政不由已授司平大常伯男產先降授司宰少卿男建
配流黔州男生以鄉導有功授右衛大將軍封卞國公特進知
故高麗國舊分為五部有城百七十六戶六十九萬七千乃分
其地置都督府九州四十二縣一百又置安東都護府以統之
擢其酋渠有功者授都督刺史及縣令與華人叅理百姓仍遣
左武衛將軍薛仁貴摠兵鎮之

新刊監本冊府元龜卷之二十

帝王部

功業第二

唐玄宗初封臨淄王出為潞州別駕中宗景龍四年來朝六月
溫王即位改為唐隆元年帝后臨朝稱制帝溫公楚客武廷秀
紀處納趙履溫帝播高嵩帝擢帝廷葉靜能帝涉帝逮楊均王
哲等潛亂作謀將害相王及少帝持帝氏妖讖以革命為意扇
惑姦邪欲令勸進臺閣要司門闕中禁及左右屯兵皆布帝氏
子弟帝謂所親曰諸呂之難復起今日宗社之危實若綴旒不
早圖之必貽後悔因遇前同州朝邑縣尉劉幽求與語甚相得
會兵部侍郎崔日用又寶昌寺僧普潤密詣藩邸廣申籌畧其
意遂決時京師有王崇暉者為尚衣奉御周儻任俠輕財縱酒

長安少年皆從之游帝乃來求於相見遂遇利仁府折衝麻嗣宗押萬騎果毅葛福順摠監中紹京言及國家深相欵結時帝侍相王在藩邸常溫宗楚客附會安樂公主將圖剪覆設兵潛備內外阻絕幽求與嗣宗崇暉廣布腹心畫策于外令東明親道士馮處澄微服詣藩邸通意是月庚子帝遂因處澄微行以出與幽求等皆會於鍾紹京私第紹京臨事而變欲閉閣不出其妻許氏謂紹京曰事緣國家應有神理况同謀素定縱不行豈免禍乎宜備臣禮從王之命紹京乃出再拜趨謁帝執紹京手而生遂與幽求紹京麻嗣宗太平公主第二子薛崇暉尚衣奉御王崇暉太平公主府典籤王師度押萬騎果毅葛福順李仙臯道士馮處澄僧普潤前商州司馬崔諤之山人劉承祖等建策誅之或曰先啓相王帝曰我極社稷之危赴君父之急若

事成福歸於宗社不成身死於忠孝安可先請憂怖大人乎遂以其日申時率幽求等先至苑中詣總監鍾紹京辭字紹京率丁匠二百餘人以從候夜出苑南門時羽林將士等皆次于玄武門外乃遣葛福順李仙臯領萬騎先攻玄武門福順拔劍前驅直入羽林營內斬將軍常潛常播及高嵩梟其首以徇羽林軍士相率來應無有拒者時軒轅星落于紫微中王師處其僧普潤皆素曉懸象遂啓帝曰大王今日應天順人誅鋤兇惡上象如此亦可憂也遂令福順領左萬騎攻玄德門仙臯領右萬騎攻白獸門皆殺其守將斬關而入初帝號令諸將曰如斬關得入並會於凌煙閣前即大噉寡人勒兵於玄武門候噉聲當入其夜三更福順仙臯等俱會於凌煙閣前果大噉帝於是率摠監兵及羽林兵等齊進於兩儀殿前時梓宮在大極殿殿前

有諸衛飛騎萬騎宿衛聞歌皆被甲應之皇后常氏惶惑走入飛騎營中有一飛騎知帝舉兵遂斬首以送時昭容上官氏聞帝王執蠟燭與宮人等來迎安樂宮主時於公中方照鏡盡眉為亂兵斬首以獻於是分兵討補宮中素於常氏結連及用事親信者并諸常在宮內諸門守衛者悉斬之比曉內外皆定乃馳謁相王謝不先啓請罪相王撫帝而泣曰宗社禍難由汝安之汝不行吾必及禍大功既集環契吾心焉用謝也于辛丑溫王乃下制曰天未悔禍王室多難大行皇帝升遐之際事起倉卒朕以冲幼嗣守丕圖御恤問故遂窮克黨逆賊馬秦容等潛通宮禁敢行鴆毒而逆賊宗楚容紀處納武挺秀趙履溫常播高嵩常挺葉靜能常建楊均王哲等遂扇太后干朕家事凡有處分政由常氏楚容又遣人妄說妖言務欲勸進結連中外將

危社稷又頃者王慶之李悅張嘉福前臨遊縣令杜無二越州長史朱問之潛行表狀請立武承嗣為皇太子則天大聖皇后斬慶之一人之問以附託三思獲免今之思李悅又託楚容晉卿與將作少將李守貞日夜潛圖令廷秀起事朕之微眚危苦綴撫安國相王鎮國大平公主朕之親叔親姑同憂共戚楚容常溫等又附會安樂公主妄欲剪除相王第三子臨淄王郡隆基家國清深君親義切乃與太平公主第二子薛崇暉及摠監鍾紹京前同州朝邑縣尉劉幽求利仁府折衝麻嗣宗太平公主府典籤王師虔尚衣奉御王崇暉東明觀道士馮處澄寶昌寺普潤前商州司馬崔諤之山人劉承祖等僉扶人望僧考以時宜叶契違謀重安李氏兵戈不動氣侵廓清瞬息之間還自屠滅朕以山陵未畢變故相仍情緒荒迷益深催憤士庶等代

承景化累荷國恩今得宗社又安人祗交泰當同茲感悅各効忠貞如更朋黨比周輒生異議朕當加嚴憲必所不容即宜宣示令知朕意遂拜帝為殿中監進封平王兼知內外閑廐檢校隴右群牧天使仍押左右廂萬騎賜物一降段是月溫公遜位於叔父相王是為睿宗以帝為皇太子先天元年八月遂即帝位

肅宗初為皇太子天寶十五載六月安祿山陷潼關玄宗幸蜀發馬嵬於是百姓緇黃耆壽號泣於路捧御馬而言馬逆胡亂常逼凌城闕遂令鑿輿遷幸臣祖父生於生化請率子弟從皇太子為國討賊東叔長安遂收帝在後戶慰百姓遣壽王瑁及高力士送內人衣物等帝初不忍辭皇上涕泣不住帝第三子建龍王及飛寧馬家李獲國攏帝馬請帝住乃勸帝曰送寇入

城天下潰亂若殿下從主上赴巴蜀而賊等追縱燒絕棧路則二京宗廟拱手而分付狂賊欲招天下義勇之士而收復長安豈可得乎不有居者誰守社稷望殿下絕兒女之愛成天下之大計帝遂忍留令廣平王馳以奏玄宗遂依衆請兼言傳位帝讓而不受賊師追至渭便橋以斷初漲又無舟撤帝於渭水水潰魏令百姓願從者三千餘人因而涉渡而南遇潼關散卒誤以為賊於之戰士多傷敗乃收其餘復濟渭而北帝過渭而後左右唯其廣平王及六軍將士二千人自奉天北上 次永壽縣老幼悲喜遮道獻牛酒至新平郡通夜奔馳三百餘里徙者器械忘失過半所存之衆不過一旅遂止於郡是月帝至平涼郡遂大閱監收得馬數千萬牛羊十萬餘頭又召募得五百餘人教日之間未知所適朔方留後支度副史杜鴻漸奉牒具陳

兵馬招集之勢并錄軍資器機倉儲庫物之數令判官李涵至平涼謁見帝帝大悅又會河西行軍司馬新授御史大夫裴冕詔赴朝廷自河西亦具陳事勢勸帝之朔方帝然之七月辛酉至灵武於是裴冕杜鴻漸等勸進者五帝甲子即皇帝位於灵州郡城南樓改元至德元年以廣平王為天下兵馬元帥二年九月廣平王收西京十月帝還長安

代宗初平廣平王天寶末玄宗幸蜀帝侍肅宗北巡時賊陷京城所在多虞帝蒙犯荆棘晝夜不離肅宗左右及玄宗遜位稱大上皇肅宗即皇帝位遂以帝為天下兵馬元帥帝以國步未康不敢更辭乃建幕府以吏部侍郎蘇震諫議大夫楊璿

七罪反

等為副使叛官諸道節度郭子儀李光弼王思禮等咸受節制時朝廷草創兵無一旅肅宗宣布恩信收集師徒自灵州建大

號移幸涇寧及政數月間兵號十萬至德二年九月丁亥帝受命東討統朔方西迴紇南蠻大食之衆二十萬鼓行而前將行百僚拜送於朝堂帝答拜既出不乘馬當闕步行出木馬門而後登車觀者美之帝既撫軍志清冠難見迴紇王子獲葉約為兄弟遇之甚厚葉獲大喜王寅大會於京城之西南香積寺之北連亘三十里營伍嚴整御枚無聲以安西北庭行營節度使李嗣業為前軍朔方河西隴右行營節度使郭子儀為中軍關內行營節度使王思禮為後軍鉦震鞞鼓山耀野賊將安守忠李歸仁悉以車前來逼我師殆亂前軍節度使李嗣業謂子儀曰今日之事若不以身嘆冠讎決戰取勝三軍之士無子遺矣言訖乃拔長刀立陣前解衣袒而大呼手殺數十人陣容方駐由是軍前之士皆執長刀如墻而進所向摧靡先是賊伏一陣

於營東候動則發偵者知之以告帝親率銳紇銳卒剪其伏軍
遂設大營皆其嗣業合勢表裏夾攻自辰及酉斬首五萬餘騎
賊軍大潰填溝澗而死者十七八長安城中賊黨震慄喧囂之
聲終夜不止賊黨張通儒為賊居守聞守忠大等敗遂與麾下
並賊偽官萬餘人宵遁西京平遙明帝乃整軍容入城城內百
姓僧道老幼遮道歡呼咸曰不圖今日復國見家舊儀帝所至
宣恩慰撫城內纖毫無犯乃命後軍王思禮屯兵于苑以清宮
禁親率大軍而東時逆賊安慶緒盡出精銳十餘萬使其黨嚴
莊張通儒合軍保陝州帝與副元帥郭子儀大將李思業王思
禮等率迴訖南蠻大食等合戰於陝西敗軍大敗擒生斬馘十
餘萬通儒等遁走慶緒聞之竊與其黨自苑北門夜遁奔于河
朔東京平帝入東京陳兵于天津橋宣恩勞徠士庶歡躍聲震

四遠河南河東諸州為賊所陷者皆歸順十月肅宗還京師發
使奉迎玄宗玄宗至自蜀郡居興慶宮百司文物三宮容衛悉
復舊儀皆帝之功也

德宗初封奉節郡王代宗寶應元年五月以胡寇史朝儀尚據
東都議出師東征帝為天下兵馬元帥十月領東河朔方諸節
度迴訖兵馬赴陝僕固懷恩與迴訖左殺為先鋒魚朝恩郭英
人為後殿自浞池入李抱玉自河陽入副元帥李光弼自陳留
入帝留陝州與朝儀戰於邙山之下逆賊敗績走渡河斬首萬
六千生擒四千六百降三萬二千人器械不可勝數朝儀走投
汴州偽將張獻誠拒之乃渡河北投幽州二年正月賊為范陽
節度使李懷仙於莫州生擒之送款來降梟首至闕下代宗以
帝大勲特拜尚書令元帥如故與郭子儀李光弼等二十四人

並賜鐵券圖形凌煙閣

憲宗元和中諸軍進討淄青李師道擒之斬其首送於魏博軍
國家自天寶末安祿山首亂兩河至寶應元年王師平史朝儀
其將薛嵩李懷仙田承嗣李寶臣等先受偽命分領州郡凡數
十時朝廷厭兵遂各因其舊任真授焉及候逸為軍人乃逐出
正己又據有齊魯之地既而遞相膠固聯結姻好職貢不入法
令不加率以為常仍皆置其子為副大使身死繼立則以三軍
之請聞亦有為其大將之殺而自立者自艱難以後迄于貞元
朝廷多務優容每聞其擅襲因即而授之以故六十餘年兩河
號為反側之裕元和初始則誅揚惠琳劉闢李錡三年未于頓
五年擒盧從史張茂昭獻所管場定二州舉族歸闕七年由弘
正定魏博相衛澶具六州十三年斬吳元濟平蔡申光三州是
年斬李師道平鄆曹濮淄青齊登萊兗海沂密凡十二州程權
歸得滄景王承宗求削地納德隸朝弘鎮汴宋亳潁四州二十
餘年是歲入朝乞留京師以贖前過於是河南河北合三十一
州復為王土焉

宣宗大中三年正月丙辰汪原節度使康季營奏吐蕃宰相論
恐熱以奏原安樂三州及石門等七關之兵民歸國六月康季
營又奏收復原州城及石門驛葺木峽制勝六盤石峽等六關
頒寧張君緒奏今月十三日收復蕭關勅於蕭關置武州改安
樂州為威州七月三州七關軍人百姓皆河隴遺黎數千人見
于闐下帝御延喜門撫慰令其解辨賜之冠帶于時康衢觀者
傾都咸稱萬歲共賜絹十五萬匹八月鳳翔節度使李玘奏收
復秦州八月制曰昔皇王之有國也何嘗不文以守城武以集

事參諸二柄歸乎大寧朕猥荷丕圖思弘景業憂勤戒惕四載
于茲每念河湟土疆綿亘遐闊天寶末犬戎乘我多難無力禦
奸遂縱腥膻不遠京邑事更十葉時近百年進士試能靡不竭
其長策朝廷下議皆亦聽其旨詞盡以不生邊事為永圖且守
舊地為明理荏苒于是收復無由今者天地儲祥祖宗垂佑在
衽輸欵邊壘連陣刷耻建功所謀必尅實賴樞衡妙筭將帥雄
稜副玄宗不爭之文絕漢武後征之悔甌脫頽空於內地乍猴
全據於新封莫大之憂指期而就嗚呼七閩要害三州膏腴候
館之殘址可尋唐人之遺風盡在追懷徃便良使興嗟夫取不
在廣貴保其金湯得必有時詎計於遲速今則便務脩築不進
干戈必使足食足兵有備無患載洽亭育之道永致生靈之安
可改蕭關為武州安樂州為威州仍令殖三州七閩之地以廣
鹽鹵之利贍濟邊人三鎮將士共賜帛一十五萬匹委度支別
擲等第指揮五年七月吐蕃沙州刺史張義潮遣兄義潭以瓜
沙伊蕭等十一州戶口來獻自河隴陷蕃百餘年至是悉復隴
右故地十二月沙州置歸義軍以張義潮為瓜沙伊等州節度
使

後唐莊宗同光元年四月即位于魏州閏月平梁鄆州梁末帝
聞鄆之陷大恐七月丁未帝御軍沿河而南戊午遣騎將李紹
貽直抵梁壘梁軍益恐八月還鄆十月壬申帝御大軍自揚劉
濟河甲戌攻中都擒梁將王彥章等時吏三百餘人斬馘二萬
奪馬千匹丁丑次曹州郡將出降乙卯達明前軍至汴城明宗
令左右捉生攻封丘門梁開封尹王讚請以城降俄而帝與大
將繼至讚迎帝自梁門入梁末帝已為其將皇甫麟所弑丞首

以獻

二年九月大舉伐蜀以衛王繼岌為西川四面行營都統以樞密使郭崇韜為招討使十月丙辰蜀主王衍降自興師出洛至定蜀城計七十五日走丸之勢前代所無檢蜀之府藏得步騎兵一十三萬兵仗七百萬糧二百五十三萬錢一百九十二萬貫金銀共二十二萬珠玉犀象二萬錦綾羅五十萬得節度軍額十州六十四縣二百四十九

明宗初太祖左右大順中吐渾黠戛斯侵伐北陷遼虜軍必執我軍使劉胡子時遣大將李存信拒戰不利太祖讓存信曰非蕃部難敵乃公之選懦也吾擇帳下俊豪副公戰必捷矣遂命帝副存信軍再戰果捷存信時為河東蕃漢步騎大將四征討伐畧無虛歲嘗命帝左右其軍

唐昭宗乾寧三年四月魏府節度使羅弘信皆盟襲破李存信於莘縣帝奮命殿戰信宿至洛州軍諸稍集太祖怒存信奮其兵符賞帝戰歿之功乃以帝所屬五百騎號曰橫衝都侍於帳下天復中梁太祖遣氏叔琮將兵五萬營於同澗是時諸道之師畢聚於大原郡縣多陷於梁晉陽城外營壘相望太祖命帝與李嗣昭分兵四出突入諸營梁軍由是引退帝率偏將追襲復諸郡邑都府復完天佑五年五月莊宗將兵救潞州之圍帝入夾州大破梁軍即日解圍其功居最七年十二月鎮冀節度使王鎔為梁軍所擊營於栢鄉遣使求援帝時掌內衙親軍來從莊宗赴援東出贊皇次於趙州命帝於史建瑋往趨栢鄉嘗寇獲賊士詰兵數日精兵七萬堅取鎮州周德威以賊勢雄盛憂之與堅軍使張承業謀退舍莊宗從其謀退保鄆也

八年正月二日命帝與周德威將三千騎致師於栢鄉設伏於村塢間帝率百騎直壓城營韓効怒悉其軍結陣而來帝與之轉戰所向靡不尅捷以功授代州刺史

十年莊宗遣周德威伐幽州帝分兵畧定山後八軍與劉守先爰將元行欽戰於廣邊軍凡八陣帝控弦發矢七中行欽遂降之

十三年二月莊宗與梁將劉鄩大戰於故元城北帝以三千騎環之鼓譟奮擊內外合勢鄩軍殆盡地徇地磁洛四月梁相州守將張筠遁走乃以帝為相州刺史尋除邢州節度使

十四年四月契丹何保機率衆三十萬攻幽州周德威間使告急莊宗命帝與李存信閻保率軍赴援帝為前鋒距幽州兩舍虜騎當谷口而陣帝與末帝舞擲奮擊萬衆披靡挾其酋帥而

還虜衆大敗勢如席卷委棄鎧仗羊馬殆不勝計是日解圍

十八年十月從莊宗大破梁相戴思遠於戚城斬首二萬級加同平章事充藩漢馬步副惣管二十年代李存信為滄州節度使

同光元年四月莊宗即位加侍中閏月命帝率步騎五千襲梁鄆州下之授天平軍節度使九月梁將王彥章以步騎萬人道鄆州自中都進渡汶河帝出騎逆賊至漣坊鎮遇彥章都校任釗等數千騎因與之戰生獲任釗田章三百餘人十月癸酉莊宗親御六師至鄆州是夜命帝以騎軍為前鋒大將繼進詰朝遇賊軍一戰敗之追至中都俄而大圍合城無所備敗圍潰而出擊之大破生擒大將王彥章及監軍張漢傑趙廷隱等梁將段凝率大軍屯於澶淵時帝言於莊宗曰奇兵貴速今破是賊

段凝輩必未傳聞縱走人告被信否之間更須三日假使察吾所向便發救軍直路且阻決河須由滑州濟渡數萬之衆舟楫亦難卒辦此去汴州程途咫尺前無山險方陣橫行晝夜兼程信宿即至段凝未起河壩友真為吾俘矣徑取汴州上計也請陛下御軍徐進臣願以千騎前驅莊宗嘉之帝即時騎軍前進乙亥莊宗發中都已卯逢明帝失至汴州今左右捉生都攻討立門城中震駭倒戈請罪開封尹王瓚開門迎降汴州平

周世宗顯德二年四月詔鳳翔節度使王景攻收秦鳳二州六月以曹州節度使韓通充西南面行營都虞候九月偽秦州觀察判官趙玘以城降十月成州歸順十一月收復鳳州初晉末契丹犯關秦州節度使何建以秦城階三州入蜀蜀人又取鳳州至是秦鳳人戶怨蜀苛政相次詣闕乞舉兵收復舊地因而

平之

四年二月幸淮南督諸軍收壽州三月乙丑大陳師旅由浮橋濟淮抵壽州之北庚寅帝躬擐甲胄擁兵破紫金山砦擒獲甚衆壽州劉仁瞻奉表請降壽州平四月還京十月復幸淮南十二月泗州濠州並以城歸順是月江南李景遣兵驅虜揚州士庶渡兵焚其州郭而去

五年五月命將攻海州楚州並拔之天長軍使以城歸順三月丙申李景遣其臣偽兵部侍郎陳覺奉表來上且乞畫江為界江北平凡得州十四縣六十戶二十二萬六千五百七十四以江南內附頒詔於天下

六年三月帝幸乾寧軍大治舟師以備北伐四月丁酉帝御龍舟率內六軍鳴鼓掉順流而北自閔之西河路漸溢水不能勝

舟帝捨舟入于瓦橋關偽莫州刺史劉信上表歸順七年五月
乙巳朔侍衛軍使李重進已下諸將相帥師而至是日偽瀛州
刺史高彥暉上表歸順關南平凡得州五縣十七戶一萬八千
三百六十一是行也王師數萬不忘一矢而虜界城邑皆迎刃
而下

新刊監本冊府元龜卷之二十

